



~ 16
3298
7



冊八拾
號九文
函九

門 16
號 3298
卷 7

原序

古今詩人莫不以李杜為絕詣矣李杜而外無有相雄峙者乎曰曷為而無也退之子瞻後李杜而詣其極者也然則退之子瞻襲李杜為之乎曰前乎有李杜焉後乎復一李一杜則不得為絕詣矣李之與杜固不相襲者也退之學李杜而非李杜也子瞻學李杜尤學退之而究非李杜亦非退之也李杜之作漢魏以來詩人之總萃得乎風雅之傳之正者昌黎則加恢奇焉排慕焉而一變矣至子瞻則加瞻博焉整比焉以恣行其奇慕者而又



蘇東坡詩集卷七

三言
一變矣然其歸要于禮義其用使人各得其情性則亦猶之正而已矣此四君子之所以各請其極而更數百年以來未有起而配之者也然如有起而配之者將為李為杜為退之子瞻以肖其形模乎抑又有別異于四君子者也我師新城王先生以詩名海內者四十年自縉紳先生下至縫掖士言詩者必歸之先生聞焉而慕見焉而悅自度其力之必不能至焉而服爭相趨而師尊之極一世之宗工秀人無異詞或以為太白子美或以為退之子瞻固皆擬之而得其倫矣然而先生實不為

李為杜為退之子瞻者其澄淡簡遠者得之二謝淵明王孟韋柳其舒和高暢者得之何劉鮑照沈宋王昌齡李頎錢起之徒其抑揚道壯得之子建公幹子昂達夫常建杜牧之諸人其風容色澤亦間而為徐庾溫李而時時出其力與太白子美退之子瞻馳騁角逐則不見其毫釐分寸之不迨焉至由四君子而下數之如放翁石湖趙閑閑元遺山高季迪李西崖世皆號為詩人之宗者以視先生抑亦莫之及也學者以先生追配太白子美退之子瞻固有不相同而相雄峙者乎夫歷唐宋以

來千有餘年之間止此四君子挾輶而起而他皆
不得而頡頏焉何造物者之生才若是其難也然
以四君子之魁壘傑出各極其才之所造而不可
齊以一致先生起而配之更有以自別于其間何
造物者之生才又若是其奇也然後知豪傑之士
能自拔于千古者雖極其所傾心而學之之人未
有肯一襲其陳迹而為之者也先生漁洋前後集
及蜀道南海集之刻學者幾于家有其書矣復次
其乙丑以來之詩為二卷謂之蠶尾集先生曰我
少壯時歲得詩不下三百首今年之中而所作

止是子其為我序之雲章嘗見向之為詩者人盡
曰我師盛唐而規摹聲響汨喪性靈已甚自有先
生之詩唐人之真面目乃出而又上推漢魏下究極
于宋元明以博其旨趣而發其固蔽以迄于今海
內才人輩出則又往往自放于矩矱以張皇譎詭
為工滔滔而莫之反先生近年遂多為淡泊之音
以禁其囂囂無益者雖向之所作極其意所欲言
未嘗一語有溢于情性禮義而今尤範以性情禮
義之正使之自唐而溯之以不遠于風雅之傳亦
猶之窮河源者必返之崑崙星宿沂江流者必返

之沃焦羊膊此則先生茲集之微意歟雲章不敏
所謂不造其堂不躋其蔽者然以太學弟子從先
生遊有年矣前之所言乃天下所共見于先生非
自雲章發之也後之所言則先生以詩立教之旨
而是集之刻尤願與世之同志潛思而知本也哉
其曰蠶尾集取之東平之山在小洞庭河中者唐
蘇源明宴遊詩序有左拂蠶尾之言而先生詩亦
有云積雪明蠶尾浮雲下洞庭者可以想見其處
云嘉定門生張雲章謹序

自序

兗鄆之境多湖陂而小洞庭最著湖之左有蠶尾
山焉唐天寶十二載太守蘇源明讌五太守於此
作歌曰小洞庭兮窄方舟風嫋嫋兮離平流窄方
舟子小洞庭雲微微兮連絕陁仍瀾壯兮緬以沒
重巖轉兮超以忽又歌曰月澄凝兮明空波星磊
落兮耿秋河歌詞既古質類漢人語而其湖山之
勝又曠邈靚麗能使臨汎者徬徨登眺者遲夸怙
悵而忘返於是小洞庭之名與源明之詩並傳圖
牒令狐氏之言足徵也康熙甲子冬予奉朝命

往祀南海過東平會大雪連日夜遙望湖中天水
相際有數羸隱現於煙靄滅沒之間者土人指似
曰此蠶尾山也時風雪寒亟又迫王程不得往既
南行數千里猶時時夢見之昔韓退之嘗作鄆州
溪堂詩盛稱其蒲蓮蒹葦蒼龜魚之產予卒卒
未暇問溪堂所在度其勝未必及此湖而源明之
歌詩直駕退之而上予稱鄆之山水獨在此不在
彼蓋亦未可以爲過也予家濟南所居在長白之
麓錦秋湖之陰距鄆五百里予方備員於朝即
舊隱數椽未能退而偃息乎其間豈暇謀及數百

里之外私其名勝使爲吾有哉亦聊以寄吾懷焉
而已偶次甲子使粵以前及下鄉以後詩庚午以
後雜文稍成卷帙遂以蠶尾名集而又書其命名
之意以喻吾懷焉漁洋山又王士正序

帶經堂集卷五十三

歙門人程哲校編

新城王士正貽上

蠶尾詩一

送湯荆峴學士改中丞巡撫江南

論文六載西清直公望公才衆不如節鉞忽承
 天子命經綸正賴古人書帆檣萬斛勞播粟水旱
 三吳急賜租會見飛章達民瘼何須鄉夢戀樵漁
 過丁香院訪張杞園不遇題壁
 吟遶長廊取次行主人不見綠苔生蜂聲滿院日
 卓午花氣撲簾春晝晴

題景州閩遊詩卷

獨持懷古意去謁武夷君九曲無人到千峰盡白
雲鴻飛天外遠鸞嘯月中聞一與曾孫別人間又
夕曛

為門人朱悔人題王叔楚畫竹卷二首

小竹山人寫叢竹渭川千畝起毫端愛渠低亞清
溪水幾個橫斜拂釣竿

茅齋青壁幾年成溪路無人略約橫一夜春雷動
崖谷四山風雨箨龍驚

甲子暮春邀修來幼華升六千仞伸符天章

評之章往淫三致意焉第以

主眷便蕃難遂初服服既闕旋赴闕廷未幾南
臺執法西樞握兵公望公才益與經國之文章聲
名並峻身在魏闕正不敢以心居江海任達鳴高
夫子述卿士大夫之行曰夙夜匪懈以事一人又
曰夙興夜寐無忝爾所生如先生者不亦忠孝兼
備而君父交致其誠也哉然則先生之詩謂之四
牡懷歸之詩可也謂之少陵一飯不忘之詩亦可
也余故舉名集之義而推原其說俾後之學者油
然有所興感焉程哲拜識壬辰元巳日

嘗論中山公子年身在江海之上心居魏闕之下
所謂少陵一飯不忘者也而狄懷英登太行反顧
見白雲孤飛謂左右曰吾親舍其下瞻悵久之雲
移乃得去則又四牡詩人豈不懷歸之旨若是乎
異趨殊情不可同年而語而不知君父之慕忠孝
之忱其致一也新城先生蠶尾集二卷自敘以為
康熙甲子冬奉 朝命往祀南海過東平遙望數
羸隱見於烟波滅沒中迫王程不得淫用取名此
集以寓其夢想之思論者謂先生泊於宦途聲利
不櫻於念匪獨浮湛外寮時勝踐名區翛然孤寄

即當荷特知膺榮遇敷歷彤庭青瑣之班而謝公
寢處自有山澤間儀元規之風範獨存邱壑也集
名蠶尾殆與漁洋諸集命名略同商邱宋公因以
黃魯直自號山谷涪翁為比不可謂非知先生者
而猶不盡此也竊考先生使粵還朝念封公祭酒
府君年垂暮乞假遄歸乃請急之日即封公捐館
之辰相距止十日不及見終天之痛逾深摩抄手
澤號泣松楸新阡寫哀一篇淒其欲絕瞻雲之歎
百倍懷英由是故園枌梓將有終焉之志茹紫芝
於商頰薦春蔬於鄉國其見於先後懷人之什家

蠶尾集卷一

新城王士禛上

以河朔學士改中丞巡撫江甯

論文六韋西清直公望八才眾不如節鉞忽承

天子命經綸正賴古人書帆檣萬斛勞搜粟水旱

三吳急賜租會見飛章達民瘼何須鄉夢戀樵漁

過丁香院訪張杞園不遇題壁

吟遶長廊取次行主人不見綠苔生蜂聲滿院日

卓午花氣撲簾春晝晴

題景

獨持古意
曲無人到千峰盡白
雲鴻飛天外
中間一與曾孫別人間又
夕曛

為門人朱悔人題王叔楚畫竹卷二首

叔楚名
翹字時

羽吳之嘉
心人畫宗米芾尤
工草蟲墨竹見徐氏海隅集

小竹山人寫叢竹澗川工
畝起毫端愛渠低亞清
溪水幾箇橫斜拂釣竿
茅齋青壁幾年成溪路無人略約橫
一夜春雷動崖谷四山風雨籜龍驚

甲子暮春邀修來幼華升六千仞伸符天章

悔人過聖果寺看桃花二絕句

古寺尋春已後期東風猶為絳桃遲
禪扉靜掩殘春雨細逐茶煙
鬢絲章華宮裏細腰身移入招提
又幾春一樹天斜忒無賴也須著
莫白頭人

題門人汪舟次乘風破浪圖四首

海外真看大九州青天一髮是琉球
人間竒觀君知否萬里滄溟萬斛舟
扶桑東望海天孤虎節龍章擁萬夫
正是水犀酣戰日樓船十道下彭湖

百靈不散石郵閑親見神魚跋浪間青史他年詫
竒事天風三日到中山

竹冊親頒異姓王歸來封事動明光儘教乞與丹
青手寫作靈槎著日傍

將乞假歸省批家書尾示兒涑

擣散無能合乞身歸來不擬負青春池東添箇垂
楊樹要看飛花點白蘋

訪賓公大谷山居

春原麥爭秀斜日雉交飛澗水寒猶淺村煙望不
稀田家驅犢返仄徑負樵歸想見南牕下看山仕

德機

柳菴同賓公寶菴作

西巖古寺隱谿行飯從容到日斜最愛過橋垂
柳樹一溪新水照藤花

題張賓公采芝山堂

童穉相看有鬢華杖藜隔歲訪山家野風吹斷碧
谿水林鳥啄殘紅杏花田舍初開缸面酒江船將
到雨前茶卜鄰未果平生約慙愧東陵學種瓜

長白雜詩八首同賓公作

書堂道中

山勢圍黃鵠書堂望處孤行勝
逐禪侶荷篠問樵夫
鳥道捫參井人煙
倏有無入雲鐘梵近
失喜一相呼

書堂

香界諸天外心知開士家
雙林圍石壁十丈落藤花
薺樹環平野浮嵐到海涯
希文留古井先試趙州茶

石梁

窈窕度魚梁縈紆一水長
臨流多白石列坐復垂楊
歷歷禽魚影蕭蕭蘭杜芳
鷄鳴在何處小塢出

松篁

葛家洞

長嘯發孤煙一聲高柳蟬
山風吹斷續水石蒼潺湲
魚鳥真濠濮雲林亦市廛
都籃碧溪側隨意煮

清泉

嘯音有
高柳蟬

柳菴

溪行路不極溪上出香林
一夜前山雨千迴石瀨深
空花春漠漠仙梵午沈沈
舊識梅檀味還能悅衆心

柳菴西方丈夜坐

踏閣攀林罷閑階坐夜分木犀春半發鼻觀定中
聞舉首見明月西峰歸片雲徘徊戀清景谿籟遠
紛紛

黛溪

策杖尋源去靈溪一徑穿湍飛時激石花閉屢通
泉初日光斜照文魚影倒懸他年皈白社終倚黛
溪偏

于茲仙人祠

寒山好招尋白兔公還過于茲道倚徙古祠
空碧水流春澗清猿嘯晚風傳聞駕鸞鶴來住

明中

宿唐濟武太史志壑堂即事

新竹捎檐夜氣清忽聞山鳥報寒更單衾喚起瀟
湘夢落月已西天未明

寄題采芝山堂

滅迹雲峰裏多年茹紫芝商顏如可作園綺是吾
師危磴雪消處斷崖泉落時何當采三秀從汝結
茅茨

戊辰人日雪行華山下作

吾州最愛華不注白日青天卓虎牙一夜山中三

雪曉來失却青蓮花忽雷聞下流漸急華巖宮
前雲霧遮轉憶石帆亭子畔老梅寒竹鬪橫斜

望華不注懷古

老慵便卧輿北風吹麗涼卷簾華不注時來獻青
蒼想像易位處東南畝縱橫齊晉昔更霸往事可
憐傷豈知婦人笑遂召四國殃華泉終古流不見
繫車桑晚投喬木村蠟炬明空堂天低雪欲作四
顧雲茫茫明日渡溪釣早梅應破黃

郡城北路作

齊州南北千峰遠中有明湖一鏡分今日雪中更

奇絕華山雲接鵲山雲

趙北口

莫問公孫事茫茫感逝波晚潮魚簷急夜火蟹簾
多大麓諸流會春風萬乘過年年水楊柳頭白
此關河

歸經鵲華二山間即目

山海作經首鵲山招搖之桂生其間麗磨音凡之水
出其下祝餘四照花爛編今此鵲山勿乃是越人
陳迹誰追攀灤水南來紆且直羅生夾岸蘅蕪茲
隔水正望華不注疑臨玉鏡窺煙鬢是耶非耶看

不定尹邢雙照蛾眉彎被山瓔瑀不收拾黃如蒸
栗丹砂殷七十二閘遠鈎帶如棋布子交迴環柳
花滿樹綠於染杏花點地紅斑斑始知今日已寒
食潑火小雨回天慳濯纓湖亭好煙景春波澹沲
去清心顏回首却望衛河北風沙莽蕩連雄關

女郎山

卧輿夢初起遙見女郎山雨過開奩鏡煙消露鬢
鬟靈祠空翠裏瑤瑟碧雲間不是崔羅什何因奉
玉顏

澗山舖

山市依湖岸煙光晝杳冥竹欄看鴨鬪茅屋帶
腥一水兼天白羣峰挾雨青漁舟與沙鳥來去墨

王亭

嘯園詩十二首

梭山

云是天孫梭何年化空碧蕭條松桂林晝靄幽人
宅不妨折齒人長茲置巖石

潔溪

淪潔東注海濫觴乃於此一勺出雲根石流湛清
泚應有遺世人枕流還洗耳

見山亭

張公茂蘭故居正德間京師語曰天下清官張茂蘭

入門不見日風動千竊竊孤亭在竹中猶傳清士

居世無劉伯畊豈慕貂襜褕

張官京師冬無絮衣遺者皆不受東阿劉田伯畊以衣送之乃

受曰世惟劉伯畊衣可服耳竹中字見左傳海岱清士見世說

長白深處

亦名君子堂

肅然萬壑深結廬最深處昔睹封禪儀今餘采樵

路惟有漢時雲悠悠自來去

長白即封禪書之肅然山

猗玗洞

古潭深不測石梁架岩洞中有蟄龍蟠鱗甲欲飛

動明玗照清流幽禽時一哢

勘書閣

北齊勘書圖流傳子華作

楊子華有勘書圖

髣髴邢魏流劍

珮文林閣從容四庫間何如百城樂

海燕樓

朱樓玳瑁梁春社紅襟燕年年思故巢涎涎會相

見花動倉琅根美人起常晏

橫翠閣

高閣冠清溪雪浪相迴薄簾捲暮山晴衣露空翠

落煙暝竹林間歸飛雙白鶴

淨友亭

斑竹已解裊翠莢復如雛虛堂受荷氣疎簾漾文
漪風標兩公子照影時來窺

據梧山房

茗茗百尺桐孫枝露初引下有怪石供離立衆星
隕山月下窺人嘯歌答虛牝

晚香堂

寒空正搖落衆芳一以息采采黃金花獨藉風霜
力把酒東籬旁連山澹秋色

流觴處

次山石魚湖石魚在湖裏一曲滙空明列坐臨流

水風送酒船過鱗鱗數帆起

戲書蒲生聊齋志異卷後

姑妄言之妄聽之豆棚瓜架雨如絲料應厭作人
間語愛聽秋墳鬼唱時

將赴

闕拜先祭酒府君新阡寫哀

巳巳十一月初二日

親舍今何在孤兒涕淚深桓碑初下窆宰木未成
林無復趨庭日空違誓墓心北風吹急雪千片助
露襟

題家書後寄兄禮吉并示兒輩

頻年共飲屠蘇酒此際相望千里餘鄉國近聞三

日雪平安未達數行書伐薪汲水皆名士竹葉梅花又歲除苦憶小園風物好辛盤早已薦春蔬

題門人查夏重蘆塘放鴨圖四首

橫塘盡日雨濛濛間倚筇簪挂釣筒坐愛琉璃一千頃菱花風急罾鳧翁

鴨母船依湖水濱船頭長日飯龜尊憑誰寄謝桓南郡不是鶩欄教鬪人

鴨頭丸帖種魚經盡日蘆碕泛渺冥何似漁陽隨突騎天風齊放海東青

列仙之儒形甚矍一竿偏愛狎江湖畫師也會幽

人意不作金盆孔雀圖

題門人張力臣寫真二首

瘞鶴銘邊攜屐日羊侯祠下卸帆時吳山楚水探奇徧不覺秋霜點鬢絲

金石遺文太放紛摩挲千卷對罍薰白頭更訪鴻都學手拓陳倉石鼓文

題蔡方麓宮允寫真二首

沈香火暖護香篝走馬蘭臺露未收曉日花間鈴索動內人催喚撰詞頭

猶記句臚唱第時龍樓初日上梁魚五年不共蓬

山直披卷依然玉樹姿

題臧介子舍人濟陰玩月圖卷

三五南華月登臨迴散愁懷人漆園吏把酒庾公樓水與荷陂接光連玉露秋吳興未歸客應憶白蘋洲

憶西城別墅

池北池南半竹枝疎梅照影恰臨池今年誰作林園主孤負花明酒釀時

題門人沈客子林屋幽居圖五首

萬頃玻璃不受塵樓居高與太清鄰紫泉石髓

留得我欲因之窮左神

隱几春山似畫屏下窺玉柱接金庭禹書縱遣靈威守合為幽人一啓扃

五月楊梅血色斑雲林十里畫圖間杉皮屋子青苔徑獨占吳王消夏灣

玉堂酒渴夢江南林屋東西路舊諳煩汝封題三百顆夜來霜信到黃柑

漁洋山下是吾家山北山南半種茶留得織山方竹杖待君風雪探梅花

棲霞寺紫峰閣前有方竹一叢予取以作杖方爾止銘之

寄題念東侍郎載酒堂

蓋頂黃茅野意存
鑑湖一曲古城根
疎梅亞竹臨官路
遠水浮花過縣門
上日抱琴穿略約
何人載酒醉窠尊
春來騎馬東華道
悔不從君學灌園

追和徐東癡釣臺懷古

帝業真歸赤伏符
故人不作執金吾
猶嫌齊國知男子
終隱桐江學釣徒
鼎足三公慎要領
師中十載白頭鬚
清風萬古嚴陵瀨
知有雲臺博士無

范舟也

憶石帆亭寄兒涑汧四首

梅花香裏置茅亭
下有蒼筤萬箇青
聞道故園三日雪
與誰同聽玉瓏玲

瓏玲見揚子

磬口檀心世外香
幽姿那點壽陽妝
祇宜霽雪明牕裏
手搦疎花寫硬黃

仙人鸞尾何年墮
池北池南共歲寒
又向東華騎瘦馬
春風先問竹平安

麥穎風爐手自烹
林園急雪夜三更
不知賀若今存否
夢裏琴聲大蟹行

寄盤山拙公

盤山富蘭若近若
一雞飛縛屣林中去
風吹屈朐衣

題趙松雪畫羊

三百羣中見兩頭依然秃筆掃驊騮
興地忽憶蒼茫勅勒秋南渡銅駝猶戀洛西歸
馬已朝周牧羝落盡蘇卿節五字河梁萬古愁

庚午新正過朱竹垞太史齋中探春緋桃諸

花盛開賦三絕句

馬騰曾說野人家每先去東皇管物華今歲長安
霜雪少試燈風裏見唐花

十笏如聞功德香曼殊陀利兩芬芳偶來小坐談
空處政要天花作道場

方丈重過亦勝因散花天女正橫陳上人默坐空

諸相縱遣花飛不著身

過宏衍菴海棠已化去感懷施愚山侍讀昔與

愚山看花
賦詩於此

十年不見謝宣城目極澄江遠恨生白首重吟枯
樹賦江潭蕉萃庾蘭成

寄題念東先生松巢

仙人樓居苦偏仄要與老鶴分松風天風蓬蓬起
天籟寒濤萬頃生虛空仙人曲肱睡正熟馭風倏
過扶桑東下視蓬萊玩清淺太華夜碧聞清鐘

月蝕宿都察院署贈周石公中丞

御史府中烏欲棲滿城車馬驟春泥一星執法中
臺峻五夜嚴更刻漏齊才盡玉川傷顧兔時平越
石厭荒雞與君十載 東朝舊燈火曾分太乙藜

余與中丞
同為宮僚

立齋相國齋中蕉花開索賦六首

漢主初開扶荔宮甘蕉花入上林紅今朝獨樂園
中見始信嵇含狀最工
中書退食日蕭蕭簾捲西山爽氣饒茶臼筆牀相
對好一林花放膽瓶蕉

玉宇微涼八月中林塘香散木犀風綠天深處一

花坼蝙蝠飛來相映紅

士南中紅蕉花開有紅蝙蝠
蝠集花中見酉陽雜俎

朱萼新抽萬卷書仙人掌露勝醍醐丹青好借黃
筌筆更寫紅蕉水鶴圖

紅霞一抹映瓊杯照影銀塘細細開不似平泉閒
草木猶煩驛騎日南來

木棉千樹粵江邊不及蕉花分外妍常記五羊城
畔見一枝紅壓蠻人船

聞二東春雨霑足喜寄諸子

故鄉冬雪後穀雨一番新園坼竹尊者星明農丈
人縣官初給復田畷屢班春何事東華道朝朝望

麴塵

送謝方山假歸德州

廿載為郎少宦情
五言真屬謝宣城
人如白雪風流遠
草妒青袍日夜生
飛蓋西園誰故舊
送君南浦又清明
名家韋杜天元近
休壘陽關第四聲

三月十二日拜御史中丞赴暢春園謝

恩作

西山曉翠望觚稜
五載田園倏見徵
右掖一星明執法
南臺六察領中丞
清時袞職將何補
昨夢瀛洲已倦登
霄漢承恩頻忝竊
新銜還是一條冰

戲簡汪鈍翁四絕句

已未作久刪去偶見鈍老刻集載見各詩因追錄存之

穎水箕山傲昔賢
金庭玉室隔人煙
逃名却被山英笑
兩字堯峰世已傳

談經人比鄭公鄉
絲竹門生列後堂
為奉侏儒一囊粟
山中閑煞束修羊

陽山山外好煙波
可惜柴門掩薜蘿
莫怪山人高價賣
此中佳處本來多

吳中高士謝山靈
共指文星傍帝廷
今夜堯峰高處望
不知何處少微星

浮梁令介初兄輓詩

諱臨元聊城人順治辛丑進士甲寅殉節贈江西按察司僉事

傳烽連岳麓羣盜逼杉關抗節冰霜裏捐驅豺虎
閒黃巾何日盡白馬不生還惟有啼鶻血春來返
故山

送徐勝力宮諭典試貴州兼寄田綸霞中丞
百戰曾經馬伏波送君五月下牂牁祠過帝女逢
斑竹洞入秦人訪綠蘿已見華風開瘴癘須令樂
職備中和田郎久別應無恙共倚南樓一嘯歌

五月初七日雨中瀛臺啓事
極目紅欄綠浪兼之細雨斜風一幅吳淞煙雨只
少天隨釣篷

初八日晴入瀛臺再成

日照馭娑宫外風來魚藻池邊沙上水禽偶語橋
頭人柳三眠

董起男送風雨梅戲占為謝

故友御史
玉虬子

吳中五月梅黃雨想像千林舶趁風珍重遺來香
軟齒不須將醋沁曹公

題門人查德尹雲林畫軸二首

平生不作王門客莫把倪迂配米顛最憶推蓬寫
松石菰蒲秋雨熱龍涎

曾上神嵩眺雒陽碧伊清洛迴蒼蒼怪來舒卷煙

雲滿得自盧鴻舊草堂

畫為登封詹學耿先生物德尹遊嵩山往謁撤以為贈云

寄懷之作

不見閉門陳正字
嶺雲江樹五年餘
秋風欲下華陽館
粵客纔通尺素書
蒲澗紅泉應不改
羅浮翠羽夢全疎
天南耆舊今頭白
珍重新詩獨起予

題門人喬無功餉烏圖

題徐藝初寫真

風流好事兼文雅
三百年來顧阿瑛
知爾前身是金粟
玉山重占草堂名

題周文矩五王避暑圖為李奉倩中丞

聞道開元日宸遊
花萼同恩深五王宅
一作帳勅借九成宮
竹映翠微合泉飛金澗通
披圖見隆準負矣

讓皇風

趙伸符宮贊書來云秋雨霑足山泉四溢臨

流坐石日誦莊騷賦寄三首

名泉秋谷口泉水入門流
一夜南溪雨千巖瀑布

秋雲山初過雁簾閣似浮鷗挂壁松枝塵何人解
獻酬

讀書坐懷古未遣世人知被髮聞鸞嘯彈琴咏雉
噫逍遙羨蒙叟憔悴感湘纍各有清芬在君應自
得師

林居常晏起蒼翠撲晴牕自富五千卷何勞四十
雙采芝綺里季作黍漢陰龐晚節思鄰並還能倒
玉缸

小憩高粱橋

昔日高粱道綺羅嬌上春依然挑菜渚不見采蘭
人新水生魚鱗輕絲漾麴塵不妨成漫興青草正
如茵

赴暢春園 起居再過高粱橋

袂襖來春暮軒車復此過西風一蕭瑟秋水正微
波 黃屋雲中近青山苑外多今朝封事暇聊自
飲亡何

送金會公太史歸廣濟兼寄開先顥公一首

破額山前水依然碧玉流吾廬真可愛此外復何
求名已高三館歸還讀九邱蘋花何處采遙送木
蘭舟

廬岳天邊影千峰恰對門舊遊時入夢君到必窮
源雪後康王谷花時陶令村遠公相憶處共聽一
聲猿

喜彭羨門閣學卜鄰之作

少小論交三十載中間離合似浮雲谷風莫問窮
兼達舊雨猶存我共君東閣從容多密劄南臺潦
剗怒彈文望衡乍喜相鄰並可許談詩坐夜分

寄懷尤悔菴太史四首

歸田身更健重築遂初堂宋尤文簡公堂名悔菴始祖也名孫者英會
心空選佛場卷簾看鄧尉倚杖濯滄浪書作屏風

樣何妨遠寄將

白詩云便是屏風樣又云兼問好事者畫我作屏風

令子初休沐趨庭樂事多書名王大令詩格小東
坡真誥通仙籍名經禮佛陀銅坑梅信早定擬百
回過

何必買山隱翛然居士家華亭丹頂鶴甫里白蓮
花船遞中冷水僧分顧渚茶筆牀將釣具隨意泊
汀沙

早歲已研京新羅識姓名老如袁伯業鄉即鄭康
成束筍文千軸秋霜髮數莖高堂吹笛罷教授幾
門生

三十九
為彭訪濂侍講題尊公雲客讀書圖

別君三十載把臂此圖中自著潛夫論人傳河上
公依稀逢墮履髮髯見方瞳欲問華陽館松聲日
暮空

先生信道甚篤余
與定交在癸巳年

題姜西溟洞庭秋望圖

君家剡溪西為復剡溪東王謝昔居剡千秋緬遺
蹤我往欲就君名山懷剡中幾載京國遊素心王
謝同君忽泛五湖仙壇訪毛公徑披笠澤雲蓑笠
青濛濛萬頃白銀灣倒浸七十峰拂袖縹緲巔五
州羅心胷脚踏巨鼇背目送孤飛鴻人言秋興逸

沉臨水精宮湖霜熟黃甘林煙染丹楓落日迴漁
舟蘆中收釣筒欲呼天隨子兼挾鴟夷翁茲遊信
清曠愧我羈樊籠他年剡溪歸相期喚樵風

帶經堂集卷五十三

帶經堂集卷五十四

歙門人程哲校編

新城王士禛貽上

蠶尾詩二

米海嶽研山歌為朱竹垞賦

海嶽研山不可見人間空說研山圖研山之圖亦
 遭燬雲煙過眼徒嗟吁宣和良嶽已塵劫矧乃片
 石輕鎚銖永嘉流落幾百載昭陵玉匣今亦無詎
 知神物有呵護星芒夜隕三天都舊藏許文穆家太平宰相
 盛文物寶此何啻千璠璣古藤書屋花未放主人
 愛客招吾徒眼中突兀忽見此乍疑几席羅衡巫

壺中九華那足擬，仇池枉用誇。顏蘇三茅地，肺互
鉤帶二華雲。氣相縈紆，蛟龍屈蟠待。雷雨仙靈鬣，
鬣迴駟車華。蓋一峰獨秀，拔宛插玉笏。翹犀株翠
巒，玉筍左右列。睢尻股脚相，敲扶上洞下。洞闕曲
折，潛通小有涵。空虛龍池幽，窈窕兩候頗。疑中有
驪龍珠峰獨者，蜀屬者嶧上。泉有埒下有，濃座客
摩抄三歎息。蒼然古色生眉鬚，海嶽之菴書畫舫。
幾伴此老浮江湖，巧偷豪奪歷千劫。閱盡春秋如
螻蛄，翰林好事過顛米。日餐蛾綠忘飢飭，滄江夜
夜虹貫月。莫令光怪驚孤蘆。

再題研山絕句示竹垞

南唐寶石劫灰餘，長與幽人伴著書。青峭數峰無

恙在不須淚滴玉蟾蜍。

元章詩研山不可見，蟾蜍詩徒歎息，惟有玉蟾蜍向余頻淚滴，青峭數峰南唐元宗語。

題李梅崖僉事讀書處

幽花覆徑竹捎檐，讀易先生晝下簾。鶴柴曉開苔
面破，魚苗春漲水痕添。胸中磊落五千字，架上縱
橫三萬籤。黃鶴山邊戴顓宅，鄉心猶繞數峰尖。

得門人隕陽守衛凡夫書却寄

曲沃文清公

鄭國煩才子，青春擁傳車。沔江帶城郭，參岳到庭
除。京兆三年別，沱潛一紙書。相門清白後，無忝謝

羅居

僻郡凋殘甚遺聞昔有徵漢歌留上堵唐蹟在房
陵讀史應懷古憂民獨撫膺爾書二千石早晚看
飛騰

門人朱悔人入都即往天津寄懷

秋色重陽晚寒空木葉聞相逢何草草別思已紛
紛海氣津門雨鴻聲楚澤雲誰憐棄繻者猶是舊
終軍

題河梁圖送門人俞蒼文歸雲間

秋氣晚冥冥歸帆挂潞亭五茸紅葉樹三泖白蘋
汀去路日已遠流波無暫停西山如送客不改蒼
時青

題門人魏禹平水村圖四首

天邊如黛九峰青一曲分湖望渺冥賸客不來苔
滿徑日修蟹志補魚經
水紅花發一叢叢翡翠雙飛西復東好與吳興鬪
清遠道人合住水晶宮

草閣前臨大小洄銀絲鱸縷助行杯偶然小試垂
竿手正得鱸魚四十枚

寫得江南水竹村煙波萬壘護柴門又魚射鴨閒

家具我亦思歸夢陸渾

題朱竹垞雪景寫真四首

天女長空散六花疎枝冷蕊鬪橫斜小身幻出維摩影費我連朝玉畫叉

雪後谿山畫不如梅花林外跨青驢相逢莫笑酸寒甚曾較華林七錄書

雪屋寒林斷晚煙板橋流水尚濺濺不逢才子安鴻漸定是襄陽孟浩然

風急天山雪打圍下鞞鷹疾掠空飛誰知驢背江南客手拗寒香插帽歸

題竹垞小長蘆圖卷三首

史筆高三館歸心戀五湖分明鰕菜好寫出小長蘆

膝上佳兒文度眼中秋色江村歸路不須扶杖笑

凭桐孫稻孫

太史二孫名

一蓑一笠日相隨不似官人似釣師七字愛吟揚處士亂堆漁舍晚晴時

十一月二十八日雪懷天章伸符

趙生梁甫北吳子中條陰兩地懷人遠連朝積雪深黃河遶蒲坂紅葉滿荆岑欲鼓幽蘭曲何人是

賞音

雪中再寄伸符宮贊二絕句

遙指天孫碧落東北來
山色雪空濛美人家在峨眉嶺
一片空青海綠中

雪滿西山玉不如
捲簾萬笏到堦除
兔園賓客今餘幾
起對梅花欲寄書

家書至知女端於十月初九日已葬哭之五

首

明明橫磨劍割我父女恩
遙持萬古淚送汝青楓根

左家嬌女詩陳王金瓠辭忘情非太上萬古一銜

悲

此詩成頗自疑癸酉秋女宮又卒殆識云

荒花已半落松風還夕清
系河南去路從此隔幽

明

京洛逢初雪花如柳絮飛
謝庭無道韞腸斷向寒暉

滄海明珠失驚風蕙草枯
系河一曲水應喚女墳湖

謝盤山拙公惠芝

寄我靈芝車馬形
萬年松下斲青冥
菟絲聞道垂

千尺更欲從師乞茯苓

送方位齋出守登州

齊煙青九點東北盡之罘雪霽齊辭燕市天晴見蜃樓風流今玉局貢錯古東牟定上蓬萊閣忘機下海鷗

再答拙菴禪師惠芝

寄書已十載見面亦何遲忽有山中信來當歲暮時欲尋清淨退更訪人天師不遇商顏叟何因茹紫芝

冬日出部署戲作

西樞慚愧握兵符五十形容壯歲徂殘雪一簾牕

日晚姬人學鑷白髭鬚

兵部督捕署在西故稱西樞

戲作示內

追錄順治丙申舊作

少年潦倒一愁無今日朱顏攬鏡殊解說羅敷夫婿好鬢髮何似使君鬚

六朝人謂羅敷為潦倒

冬杪門人李蒼存送盆花奉答

雪後唐花取次開憶君獨酌盡深杯雨花小劫恩息過好問文殊師利來

較盤山志竟寄拙菴禪師

選佛場非遠青溝講席開常言行脚去何日打包

來彌勒同龕處英雄舞劍臺
薊門春樹裏東望興
悠哉

盤山有李衛公舞劍臺

題羨門閣學采藥圖

秦駐山中采藥歸
銀魚挂壁夢依稀
羨君攜得驂鸞侶
霧鬢風鬟木葉衣

招梅定九并題寫真

梅精律曆著中西算學通

齊人漫說談天衍
漢代虛傳洛下閎
欲向百泉聞絕學
小車花下待先生

奉

命典會試二月初六日

賜宴禮部

郎官列宿記當年
重到南宮尺五天
滿座金貂羅漢上
幾叢羅綺舞筵前
八公相鶴希真賞
一代登龍愧昔賢
弱歲計偕今白首
承恩還憶舊青氊

闈中作

一半青春在鎖闈
韶華客思兩依依
燕知社日逡巡到
花滿春城歷亂飛
敢謂進賢蒙上賞
只思沽酒解朝衣
檐牙曉日聞靈鵲
檢點宮花御苑歸

放榜

銀燭青煙徹
曉明曙鴉聲散九重城
高風鷗鷺扶搖起
春水魚龍變化生
仙掌凌空干氣象
湘靈鼓

瑟擅才名書生報國從今始取次煙霄第一程

辛未榜後荅梅耦長見投

東坡與方叔千古為咨嗟如何古戰場亦復失李
華絕足不見知終使困鹽車東風朝夕來愁見長
安花

題李叔則寫真

腰腹驚看似伯仁鬚眉彷彿見河濱寄言江左夷
吾輩定可容渠數百人

送張寶菴宰新野

牽絲雖白里湯沐古南陽白水清官舍青山落印
牀人祠銅馬帝城倚卧龍岡遙憶絃歌處風流楚
塞長

送門人李伯含郎中出守都勻六韻

作郡向炎方雲山古夜郎三苗殊漢俗五尺啓秦
疆銅鼓祠諸葛蘆笙賽竹王薤葑開瘴雨蕙苴綴
蠻粧掉尾多盧鹿編忙半紫姜文翁能化蜀不用
薄淮陽

聞越王臺重建七層樓寄夢

梁

藥亭

昔登粵臺上不見七層樓空憶扶胥外南溟天盡

頭憑虛起飛觀流目極炎州安得凌風翼真同汗漫遊

送劉君宰建德

送者自崖返君真建德遊桐廬最蕭灑水木況清秋橘袖紛千樹漁商聚一州新安江見底應憶古羊裘

送侯介藩宰興安

秋渡三湘水春遊八桂林駢鸞徵古蹟迴鴈寄鄉心乳洞應無恙石湖有興安乳洞三巖詩陶碑想陸沈山谷有陶翁碑在興安來紅豆蔻花滿訟庭陰

出塞

紫塞鑾輿度黃旂輦路開名王紛玉帛天步動風雷日逐稱藩入呼韓稽顙來軍中朱鷺曲聲震白龍堆

保和殿大學士兵部尚書蒼巖梁公輓詞四首

當宁咨元老儒林仰大賢晚聞司馬相未及潞公年東觀留餘論公嗜書畫古器鑒別最精南陽表賜阡平生商出處端藉史臣傳

儒雅開文苑風流亦我師豈知台象坼真兆哲人

菱蕉葉銀鉤字棠村錦瑟詞

蕉林棠村皆公所居
公詩詞書翰並工妙

平泉多

草木金粟但餘碑

大農持節日萬里昔曾經忠信開蠻瘴安危繫使
星越人罷黃屋漢德播滄溟銅柱今無恙他時好
勒銘

遲暮開黃閣孤卿閱黑頭文章忠獻後

韓忠獻云其為
相永叔為學士

天下文章
莫人乎是

風度曲江儔道大消朋黨歸全絕悔尤雕

邱杏花坼何路哭西州

荅拙老寄盤山圖

三生支許最相關未得相尋水石間應笑屣屨提舊

居士祇從圖畫說盤山

題汪孝子子喻寫真

一望愁雲壟上低年年社日草萋萋缸中宰木知
何限夜夜慈烏繞樹啼

太子太傅文華殿大學士刑部尚書謚文毅

易齋馮公輓詞

斟酌調元氣從容秉化鈞青山休沐日黃髮老成
人祖帳君恩重綸扉直道伸公在政府屢有直
言深蒙嘉納易名真
不忝碑版照麒麟

東門人陳藹公於昊天寺

重來依老衲蘭若倚西城白日一何速青山無世
情冢中王輔嗣林下古先生好共蟬連語寧論世
上名昔同愚山侍讀奉訪於此已
十三年寺旁多古冢故戲及

十月朔 親祭 太廟是夜雪

丞嘗崇 九廟雲物麗層霄 三后神靈遠中天

陟降遙 至尊思肸鬻列侍肅金貂六出豐年喜

先迎 御仗飄初三日
小雪

棟亭詩曹工部索賦

孤亭思舊德歲歲棟花風澆用千牛乳來從五
宮甘棠終憶召大樹尚留馮手澤勞封殖無忘賦

角弓

送門人陸次公判撫州兼寄牧仲中丞

青門一尊酒言祖謝臨川人憶貝邱別鴈隨彭蠡
船高齋逢霽雪春思入江煙為向中丞問吟髭白
幾年

退朝雪中懷拙菴禪師

東望盤山三百里年年結束負行旃偶逢金水橋
頂雪忽憶梅花樹下僧鉢裏伊蒲常施鳥巖中瀑
布幾成冰丈夫一事公無讓未許尋常將相能唐

趙公問徑山道欽禪師弟子出家得否欽曰
出家乃大丈夫事非將相之所能為崔有省

過梁家園憶宋荔裳按察昔邀梁蒼巖龔芝
麓二先生與予兄弟汎舟於此頗有唱和
時諸公及先兄西樵皆歿
此地足煙水當年幾溯游故人皆宿草衰柳又驚
秋門冷鼯鼯竄霜寒鴈鷺愁永懷川上歎逝者竟
悠悠

題梅爾止太僕洗桐圖因贈

卜築昭亭山下居山中風物近何如歌成朱汗徠
天馬夢憶琴溪跨鯉魚東觀至今留諫草北樓他
日問藏書雲林清閼應無恙坐對孤桐百尺餘

題畫龍虎同官兵部侍郎席珠公索賦二首

神龍穿山張鬣鬚煙霧出沒鱗之而奔騰四海水
皆立黯澹九天雲下垂何人妙筆追董羽雷車砰
訇震天鼓飛廉屏翳紛後先直上長空作霖雨
空林白日風怒號千崖落木如驚濤於菟據地正
憑怒青兕黃熊皆遁逃太平有道麟在藪玉虎般
般樂君囿空山藜藿歸去來不避豪賢亦何有

聞滕王閣落成寄宋二牧仲開府

中丞持節鎮洪州滕閣重開勝庾樓清簟疎簾過
暮雨隱囊紗帽對江鷗曾來弭棹悲殘劫虛擬題

詩到上頭安得乘風度彭蠡與君吹笛坐滄洲子乙

南昌閣
燬於火

柳

雨態煙姿定有無柔條依舊暗金鋪風情合讓鍾
山隱手寫黃羅付慶奴

遙題牧仲煙江疊嶂堂堂在北蘭寺

東湖勝事擬西湖幻出煙江疊嶂圖也似東坡在
龍井不知曾有辨才無

題王石谷畫送竹垞歸禾中二首

漁浦樵風望欲無煙波一幅小長蘆明年禹穴添

奇事更寫名山入剡圖

西清載筆十三年清切長依尺五天回首玉堂春
夢醒何妨有錄續歸田

題李貞孟少司空寫真二首

纔聞歸院撤金蓮又見臺烏報夕遷上殿自關天
下計朝來封事萬人傳

梁苑風流雅不羣侍郎彩筆更能軍早聞唱第蓬
萊殿日下驚看五色雲

韓忠獻公唱名第二太史奏
五色雲見先生名第適如之

送門人高念祖遊大名

宋烈武王
瓊之裔

澶淵懷古處猶識衛王功將相同心日華戎一氣

三五五十一
中衣冠南渡遠鎖鑰北門雄祖德君能述茗茗繼

謝公

相謂寇忠愍公

題張敦復大宗伯賜金園圖

我昔曾過龍眠山山雪蒼茫歲方晏龍眠山莊知
有無空向圖中幾回見遺墟但指璇源館

在舒城亦伯時別業

芒屨未踏垂雲泚

見樂城集

祇今彈指越七載過眼流光

等飛電龍眠尚書早致身玉斧森沈侍清燕承

恩暫許休沐歸朱提賜出蓬萊殿鑑湖一曲落公

手草木雲嵐荷深眷數問家金供賓客遺事蘭陵

何足羨三年却返承明廬夢寐家山寫東絹溪流

百曲學印文山色千層累重巖龍公鸞尾嘯煙雨

鹿角鼠鬚飽霜霰哈呀忽斷漁浦開仰見雲中瀉

飛練草堂抱膝還讀書樂此長年可忘倦此山此

圖世稀有終擬他年追勝踐待公功成歸故山江

帆特乞樵風便

送姚綏仲編修歸省因寄羹湖二首

歲晚龍眠路曾過竹葉亭簞簞千箇綠苔蘚一簾

青韋氏傳經學荀家有聚星因君煩問訊計日慰

趨庭

再憶城南飲籃輿到泳園梅花橫石礧風雪啓衡

門妙畫樽前作新詩燭下論玉河折楊柳逸興已

飛翻

甲子冬奉使東粵過桐城羹湖欲留余竹葉亭度歲不果作畫賦詩相送泳園羹湖別業在南郭山上

寄題齊河王氏園

清濟來王屋東流遶祝阿閑園傍隈隩曲徑隱煙蘿野曠山容合亭空水事多當年會盟地今日有漁蓑

送同官人岳大司農賑關中

鷓首神臯古雍州年來雲漢塵宸旒輓輸西溱

襄陽道

襄宛陸渾

河漕南通底柱流

江淮水運

三輔耕耘看漸復

二陵風雨莫深憂司農持節臨關內早為蒼生借

一籌

和趙伸符宮贊寄門人洪昉思絕句

趙詩云垂露高坐不難安

身外鴻毛擲一官獨抱焦桐俯流水哀音還為董庭蘭

七條絲裏賞音難自拭龍脣玉軫寒君是開元房太尉一生留得董庭蘭

門人汪于鼎寄始信峰草堂志

避地何方好天邊始信峰人歸散花塢徑度擾龍松向
下雲煙積當門澗壑重此中猿鳥絕無路識行蹤

送吳商志之大梁二首

二百十一
夢華何處是髣髴舊東京蜀洛人誰在登臨自不
平堂曾傳萼綠壘尚指青城流恨金明水春波日
夜生

金梁橋上望依舊月如霜法曲傳宮伎流風說憲
王中原飽戎馬世事幾滄桑且可酣醇酒忘情錦
瑟旁

題門人袁士旦寫真

一童子
捧劍侍

寶劍千金直平生一諾存曾過朱衣市屢入信陵
門末俗多遊俠窮途尚報恩試聽石城曲家世本
諸袁

烏目山人歌贈王石谷

韻

我聞慧車子昔居烏目山淳于從之受虹景一朝
拂袖升天關仙蹤杳幾千載惟見烏目山色高
孱顏烏目山人有仙骨早年嘯傲煙霞窟白頭不
識豪貴門林卧蕭然謝巾襪有時潑墨何淋漓人
道前身應畫師胸中五嶽起方寸落筆萬象爭神
竒寸縑尺素走荒裔江神欲奪蛟龍知疑君古人
乃並世昨來忽貽十幅無聲詩或仿營邱或洪谷
或摹黃鶴或大癡偶與吳興鬪清遠白蘋碧浪迴
煙姿深黃淺絳妙點綴吳筆項墨窮毫釐更聞應

詔大同殿 重瞳一顧親嗟咨菰蘆中人乃有此
何不高議金華為君言掉頭且歸去尚湖秋老羹
蓴絲山中仙人待已久怪我遊戲還山遲他日相
思訪烏目慧車有約同遨嬉

題崇福寺壁 陳孺人權厝此寺

淚盡縷金衣流連掩總幃但留奩具在無復佩環
歸一徑空花落雙林忍草稀中宵仙梵寂形影是
耶非

得同年張蔚生郡丞書

美人佐郡占涼州書札緘題慰四愁宛馬

入塞玉關何日罷防秋唐家都護安西府漢史功
名博望侯幕下即聞多薦達叅軍未必久淹留

石谷與門人合寫西堂詩思見贈題其上

谿流過雨泱泱鳴天風環珮來琮琤谿邊山色自
太古嶺上白雲非世情疎簾清簟晝無暑翠竹碧
梧時有聲此中幽意少人會起坐彈琴山月明

題焚琴煮鶴圖

丹頂青田鶴朱絲綠綺琴希聲傳靜夜清唳警疎
林忍付庖丁手寧論爨下音惟將廣陵散一弔九
臯禽

送楚雲禪師歸棲霞

將赴江西壽昌之請

優曇纔一現飛錫遠人間又向紅泉去何時白下
還家風傳洞上詩句似寒山寄語明僧紹多年約

閉關

子遊攝山三十年矣

為門人王令詒題松南柳磯圖二首

西風圓柳薦新涼黃柳稀疏鴈帶霜開卷相看似
相識釣魚船上謝三郎

楊柳依依水四圍垂竿不為鱖魚肥延船萬里扶

南水回首松南舊釣磯

時赴粵東茂名令

悼亡詩十二首

哭陳孺人及女官作

優鉢曇花現即空那堪搖落委殘紅招魂欲問魂
何處冷雨淒風野寺中

十七年來憶別家任城雲樹即天涯接藍一道南

池水爭忍重歌陌上花

乘願無姻莫斷腸相從浩劫禮空王三生補塔因

緣在知是金光是飲光

秋社經年燕燕歸今年春社事全非後堂寂寂簾

垂地何處紅襟上下飛

今年梁燕不至

博山香篆倚銀屏三體唐詩梵字經髮紅牕人

未寢燈前教誦雨淋鈴

孺人修梵行又喜唐絕句予口授百首皆成誦雨淋鈴夜却歸秦一篇所常誦詠也

銀箭金壺聽麗譙年年空負可憐宵
拋殘斗帳紅
蕤枕手點茶湯候早朝

枕壓偏鬟久罷梳綠牕晝寂掩流蘇
那堪亭午朝
回後日聽垂簾響藥鑪

耿耿銀河夜有霜玉堦露草覆寒蟄
橋南荀令無
情思堅坐空庭為取涼

荀奉倩事
見世說
新粧不愛桃蘇髻半臂全無柿蒂綾
祇有桓家荆
布在一回瞥見一沾膺

花謝東風月暗雲蘅蕪香歇幾時聞
縱然月沒教
星替何許相逢李少君

十齡嬌女伴泉臺猶記啼聲繡襦催
今日斜陽
寺裏西風吹送紙錢財

阿宮附
厝僧舍
濃香銷歇掩空幃剩有羅巾印口脂
只似雲車還
入洛魚山深鎖智瓊祠

文華殿大學士吏部尚書謚文襄鄴園李公

輓詞四首

烽傳閩嶠日屨及寢門時四海方多壘
三衢首誓
師令嚴司馬法人覩漢官儀忠義平生志
皇天后

土知
結用李薦祭
蘇文忠公語

書生矜燕頷萬里取通侯列戍紛江介
諸軍望節

樓挽疆朝射虎饗士夜椎牛莫訝頭須白功名百戰收

曳履上星辰中樞及統均勲庸釐秬鬯圖書照麒麟淮蔡鏡歌入元和雅樂新沙堤聞築處開閣佇功臣

角中東第去一棹直沽風絲竹隨安石林園待潞公神騎箕尾立望與斗杓同家世西平舊重論社稷功

題牧仲中丞述鹿軒詩卷二首

七十二峰充下陳漁洋一點具區濱胸吞雲夢君

何有却對漁洋憶故人

中丞有望漁洋見懷之作

燕寢凝香畫戟枝放衙花底鶴相隨愛君五字風

流甚實有文章替左司

白樂天詩敢有文章替左司

寄荅余澹心

甲子使粵澹心附予及鄭山公司寇南行

江東耆舊盡無恙浣花翁龍腹名誰及蛾眉老愈工瀛滄千里道風雪一樽同書帶今零落翻令憶

鄭公

吾鄉鬻山有司寇書帶草時鄭公新歿

甲戌除夕前二日雪集姜西溟吳商志門人

蔣京少查夏重宋山言周策銘殷彥來分

賦得錢思公

雪下度轅轅煙中望伊水逶迤林壑間皓然見千里車馬渡水來云傳府公旨駛雪宜山行小住爲佳耳迴眺二室雲蒼茫半空裏俯聆八節灘潺湲漱寒齒丞相解憐才洛中盛文士風流映古今千載猶興起

五月望日京少山言彥來靜山邀過崇效寺

訪雪塢法師看棗花同賦

祇園棗花時招攜共遊散髣髴旃檀林吹香綠陰滿射覆叱來來樂府歌纂纂樂此憺忘歸林中夕陽緩

王謝居東日頗愛支道林亦有鴈門僧宗雷共招尋我來空寂舍一契山水心復有二三子清言滌煩襟遞捉玉麈柄流憩青松陰何必岷縣遊而憶廬山岑

題將樂令芄生錢公殉難錄後

玉華山水窟僊令有遺祠羣盜憑城日孤臣授命時平生酬馬革英爽颯雲旗峴首千秋石應刊第二碑

帶經堂集卷五十四

總述

吾師新城先生八歲能詩伯氏西樵吏部授以裴
 王詩法及在揚州所交皆當世名賢高齋視事之
 暇金陵京口姑蘇舟車遊覽之餘題詠滿大江南
 北庚子秋符升辱收門下盡得受而讀之因集其順
 治丙申以來至辛丑紀年之作較讐之為阮亭詩
 之刻此專集所托始也久之先生復自取千三百
 餘首刪其什六益以過江入吳白門前後諸集都
 為一編凡二十二卷由是甲辰前廣陵所作乙巳
 後禮部所作斐然畢備屬同門生王立極鐫之吳

門此漁洋前集之再刻也康熙壬子秋祇奉
朝命典試益州有蜀道集二卷蜀道驛程記四卷
其詩高古雄放觀者驚歎比于韓蘇海外之篇戊
午春膺

皇上特達之知擢授翰林侍講尋下徵其詩錄三
百篇以獻謂之

御覽集未敢專行庚申冬拜國子祭酒符升時官

膳部從遊無間晨夕乃更哀其辛亥迄癸亥之詩
得十六卷重為編次曰京集曰蜀集曰家集此漁
洋續集之三刻也甲子冬以宮詹受

命秩祀粵海有南海集

生金居敬僭

序其端而粵行三志三卷皇華紀聞六卷廣州遊
覽志一卷附之此一時一地專為紀錄之四刻也
方使車之南行也雪阻東平望小洞庭中有蠶尾
山為唐蘇源明讌賞地因取以名其山房退食之
暇合戊辰至乙亥詩及碑版記序雜文為蠶尾集
十卷而古文詞之前此者復別為漁洋文略十四
卷雪苑宋先生為之作序以傳此詩文合集之五
刻也丙子春以少司農祇

命祭告西嶽西鎮江瀆有雍益集秦蜀驛程後記

隴蜀餘聞各一卷蓋先生遊歷所至必討論其山川風俗古今人物之本末隴蜀既舊遊之地已詳具驛程記中而此又紀其所未備者也丁丑夏屬婁江通政錢公郵寄且以總序見委先生之口再使秦蜀往返萬里得詩纔百餘篇皆寥寥短章無復當年蜀道南海豪放之格然覽古興懷得江山之助生色有加擬諸眉山集中所分紀行遊覽古蹟寓興諸篇殆兼而有之此又一時兩地再為紀錄之六刻也其間驛程紀聞等書凡六種略如昔人隨筆總錄之例又有五言詩七言詩及唐賢

三昧集唐詩十選三書獨發明司空表聖嚴滄浪論詩微旨與詩集並行為世所宗法此又先生諸集外之別刻也其他著述已成書者則又有國朝謚法考一卷池北偶談二十六卷居易錄二十四卷五代詩話古懽錄各若干卷皆集外單行然則先生之才名之治狀所早見于江郡不盡于文詞者施之大用正不可量而即此等身之業傳自名山固已章章若是於是諸大君子之論其詩者自蒙叟先生以下凡數十家足以觀詩家總萃之大意論其文者以謂原本經史斟酌唐宋卓然為

一大家當以雪苑先生為定論此皆當代名流所
共見共聞毋容門下士之更贊一辭者也特取四
十年來請業于几席之前者歷為敘之聊志較讐
之本末云崑山受業門人盛符升謹述時年八十
有三

右家君門人盛侍御誠齋先生題雍益集首
總述一篇此後又有先生同國子祭酒曹峨
眉先生所編精華錄十卷又唐人萬首絕句
選七卷香祖筆記十二卷古夫于亭雜錄六
卷漁洋詩話三卷分甘餘話四卷及斯集詩

文先生皆不及見矣并識於此男啟涑啟瀉

啟涑謹記

帶經堂集目錄

第五編

蠶尾續詩集

卷一

雅頌

卷二

南海使集上

卷三

南海使集下

卷四

雍益使集

卷五

蠶尾續詩集目錄

續集上

卷六

續集下

卷七

古夫子亭稿上

卷八

古夫子亭稿下

卷九

後集上

卷十

後集下

蜀道使集詩已編入漁洋續集其南海使集係康熙甲子乙丑兩年之作未經編入蠶尾集故與丙子歲雍益使集俱入此集不復以編年為次第乙酉至庚寅歸田後六年之作則附見焉

滯經堂集卷五十五

歙門人程哲校編

新城王士正貽上

蠶尾續詩一 雅頌

萬壽頌 并序

臣聞帝王膺圖握契多歷年所而使諸福之物可致之祥無不貢奇效珍必其首出之德足以丕冒一世涵濡淪浹廣博深厚故罄宜戩穀之休皆操之於一已所謂先天而天不違非偶然之數也史稱天皇氏治萬八千歲地皇氏治八千歲而唐虞夏

商賢聖之君莫不享有大年豈非功德隆
盛天佑人歸之明驗歟欽惟我 皇上道
隆千古治邁百王御極四十有二年恩溥
德洋仁滂施厚敷天之下率土之濱罔不
懽欣愛戴祝頌 聖明茲當昭陽協洽之
歲值五旬 萬壽之期臣蒙被 恩澤叨
塵九列獲依日月之光其爲忭躍百倍倫
等雖才質駑下不足以遠追八伯之賡歌
敢不就耳目所及敷陳萬一以當謠衢擊
壤之風乎伏見我 皇上敬 天則郊社

必親嚴恭寅畏而匪懈法 祖則宗廟必
恪覲光承烈而彌宏奉養 慈寧則合萬
國之懽心以爲事親愛具爾則聯九族之
雍睦以爲心此皆度越古今莫尚者
也至於戡定僭亂則平北鄙之遺孽於邊
陲除臺灣之逋寇於海外六軍雷動則閩
粵無稽誅九伐用彰則滇黔皆反正俄羅
斯數千里之地稽首稱藩喀爾喀百餘萬
之衆叩關內附赫聲濯靈可謂至矣比者
額魯特小醜稔惡侵我外臣 皇上恥一

夫之橫行慮一民之失所 親鞠六師三
驅出塞 廟謨獨運決機若神封狼居胥
北踰瀚海遂使罪人斯得餘衆脅息沙漠
永清窮髮不毛之地稟朔獻琛惟虞後至
書稱漸被暨訖詩稱東西南北無思不服
不過僅有其辭而我 皇上則實有其事
矣若夫 崇先聖則 賜御額樹豐碑獎
諸儒則發微言官後裔而又廣解額以厲
人材 訓士子以維風化悉本諸 聖學
高深以昌明道統危微精一之傳直接唐

虞而上夫以文德如此以武功如彼斯誠
蕩蕩巍巍無弗遠屆者矣乃 皇上慎厥
成功兢業萬幾不自暇逸而於勤政愛民
也尤復宵旰靡寧痾瘵屢塵蠲租之 詔
無歲不下水旱之警無時不恤建 知稼
軒以悉播種繪 耕織圖以念蠶繅猶以
南北兩河未底安瀾懼妨民業於是 翠
華親莅相度咨諏而溫洋漳滏沂泗黃淮
數千載之患指顧悉平視神禹之八年於
外手胼足胝始告成功者其遲速勞逸蓋

不侔矣爰思吳越爲財賦要區遂舉巡
行之典詢民疾苦察吏貪廉念經行之地
盡復其逋糧酌太倉之儲因停其輸輓且
賞高年恤提穉下至關鹺權課之額靡不
減免更以民生係乎吏治凡文武諸臣逮
於一命以上皆親加遴選戒諭諄諄務
得才守兼優者以任撫綏之寄而且勒
箴以示臺省期以公忠體國勿黨勿私誠
振古以來所未嘗有也而且欽恤爲心矜
全民命屢減重條曲開以自新之路不特

賞善爲仁即罰惡亦無非仁此九職守

所在未嘗不於敬刑之下仰頌我皇上

好生之恩允協於天地之大德也至於以

天亶首出之姿彌懋緝熙遜敏之學於傳

髓經腴天人律曆書數之微無不該綜博

涉顧且時臨講幄下采菲葑是以虛受

日弘聖功日懋形之篇什卽爲雅頌

播之訓誡卽爲典謨而清暇之時宸

翰揮灑直與河洛圖書炳耀不朽自名山

粵壤侍臣庶官咸拜天章之賜又纂錄

淵鑑古文摹勒 淵鑑法書俾嚮學者

得有津逮宋臣張載謂游藝者日為之分涉而不有洵非我 皇上不足以當此也

臣弁陋無文稱述實多挂漏然諸所臚列

既已範圍天地經緯星辰固宜誕膺 純

嘏保佑申重言乎富則共球萬國玉帛萬

方言乎壽則山阜川至日升月恒言乎多

男則 元良備師保則百叶振繩彼華封

之祝聖者我 皇上一身備之有餘矣百

工萬姓外暨荒裔君長請崇 顯號萬口

一詞而 聖度撝謙不欲侈陳符瑞惟以

物阜民安本固邦寧為念堯舜勲華之稱

固以擬我 皇上而未足盡盛德之形容

者矣 臣幸際昌期沐浴 恩膏至深且厚

敢拜手稽首而獻頌曰

惟我 皇之受命德冠古初纘承 三聖益煥不

謨祥徵五緯風行八區平滇閩粵立翦昆吾西苑

岵邱東漸於溟渤南盡鮫宮北騰回鶻冠帶月支

共球日窟則莫我敢遏亦莫我敢越戢戈橐矢削

密除煩求瘼恤隱 軫念維勤自朝至於日中晁

不遑饗飧解網布惠扇暘垂仁言教耕耘言課經
織屨蠲田租黔首是富遞及漕輓恩隆數異
匪天之功維天子之賜河流方割浩浩湯湯淮
揚涿霸尤當其衝帝親相度次第奏功有年有
幹品物咸亨肆類於上帝秩告山川省方訓俗
課權胥蠲高年賜粟修士賁旃吏崇廉節民樂蕩
平疴瘵旣蘇犖獨是撫讓畔讓路夜不閉戶桴鼓
無虞慎厥封守跨昊超軒登三咸五乃求川之英
乃求嶽之神來旬來宣輔弼疑丞光被心膺政乂
用明誕我后之文聖智天授修容禮聞翱翔書

園百家揮斥萬有紛糅宵眇義窟醒盲發覆乃渙

德音絲綸聿奮卿雲麗章薰風清引高明疏達
金聲玉振彼學士之鑽研孰窺牆仞睿裁旣富
神筆尤奇騰騫新勢方矩圓規排鍾突王雲漢
昭垂羣工拜賜咸佩鴻施功業巍巍威儀似
似道惟天縱藝兼人術至德無名微言罕述
端冕凝旒皇皇穆穆受小球大球協氣旁流五章
棲集一角來游雨不破塊風不鳴條莫莢夾於階
萋莆搖廚世際雍熙人歌穗秉顯號鴻名中外引
領惟帝恤民曰奚足騁彌表崇閱永享謚寧惟

日月貞明惟天地貞觀惟聖人合撰光華常旦集
大命於厥躬益延遐算雅稱岡阜頌詠熾昌縱
勤頌禱莫罄揄揚臣拜稽首恭紀篇章卜年卜世
地久天長 經筵講官刑部尚書臣王士正恭
進

平北雅 并序

欽惟我 皇上御極三十有六年久道化
成內外乂安東西朔南莫不率俾已安已
治 睿慮彌勤其有弗庭罪罔攸貫爰念
厄魯特噶爾丹潰敗餘生罔知悔禍芽枿

不翦虞復滋蔓乃 駕鑾輿統禁旅躬巡

朔漠自晉暨秦震雷鼓於雲中耀雲旗於
靈夏分遣大將棋布東西 廟略神謀期
必滅此朝食于是師進次于狼居胥山獲
其子色布騰巴爾住爾他如諦巴與枯庫
腦爾台吉濟農等屬彼族類咸稽首謝罪
願歲歲朝貢隸典屬國噶爾丹自知罪惡
貫盈莫遁天誅窮蹙感仰藥廬行萬里餘孽
丹濟喇挈其子女部落來歸至是而凶逆
勦絕邊境晏然矣猗歟盛哉惟我 皇上

至仁如天覆幬萬國雖窮荒醜類苟非至
頑梗胥欲馴服而安全之惟是噶爾丹恃
遠跳梁先奪喀爾喀之土地侵我屬國搖
我邊陲我是以有烏瀾布通之役然猶宥
彼窮獸冀其懲艾豺狼之性愈恣包休復
踞巴顏烏喇重我宇下之不寧 天子乃
赫然震怒以丙子二月 親統六師是類
是禡肅彰天討 命撫遠大將軍費揚古
角于前西安將軍博濟振武將軍孫思克
倚于後涉瀚海擣拖林直抵黑魯倫土喇
之地五月丙寅師進拖諾壓其境而陣我
用是有昭木多之捷脫彼面縛歸誠仍予
自新乃鼠伏獸竄收合餘燼希復炎炎劫
我糗糧擾我斥堠丙子冬我 皇上用又
有鄂爾多斯之駕更 命費揚古駐軍喀
倫博濟孫思克等駐軍肅州扼其支黨遏
彼逋逃維時逆部台吉寨桑人等先後歸
命道路繯屬噶爾丹亦遣其格壘活英齋
奏乞降欲緩我師以冀兔脫迨今丁丑春
我 皇上用又有狼居胥山之師兩年之

間 乘輿三駕經涉寒燠櫛沐風雨歷險
履遐夫豈得已良以凶殘不殄無以寧遠
久威武不昭無以馭荒服故神扶電擊式
遏亂略奠安邊圉天奪其魄卒底滅亡微
我 皇上聖謨獨斷烏能成功如是之速
者定如是之盛者哉五月乙未 大駕還
京師振旅飲至敬報 天 祖布告中外
廣沛 殊恩 聖德神功鏗耀萬古 鴻
名顯號謙尊勿居是宜播之金石垂萬萬
世臣備位度支躬逢厥盛不勝踴躍歡忭

謹拜手稽首恭撰雅詩以 獻凡十二章

章十句

於昭 上帝眷德申祉穆穆 聖皇緝熙敬止文
德觀成武功纘始藩之屏之磐石之似芟之刈之
四郊以無壘其一 睠彼滄溟波恬其鳥睠彼昆池魚
泳於藻自東徂西同風偃草胡蠹爾荒裔干天之
道式遏寇虐肅將天討其二 歛彼飛隼矰繳射之躍
彼薨兔韓盧獲之狡彼凶逆天方蹶之矯矯虎臣
薄言伐之 皇網則寬縱乃活之其三 有鴟有鴟集
于桑林食我桑椹猶懷好音彼鴟不若為梗至今

匪殲其醜孰革其心我 后于征六飛駸駸其四臣

哉鄰哉發言盈廷僉謀止輦 帝鑒汝誠維天憚

怒彼毒貫盈天欲殛之敢憚徂征肆其靖矣率土攸

寧其五歲維丙子仲春辰良類之禡之神祇告祥我

馬駸駸我車彭彭戎旅嘽嘽旃施央央如雷如霆

於彼之疆其六帝介六馬亦簡元戎或軍以西或軍

以東左之右之黃鉞秉中謀夫孔多 帝斷之衷

師壓其境以折其衝其七熊羆林林貔虎號吼旣擣

其足又角其首鼓之擊之如枯如朽僂之俘之十

薙八九一鹿鉗險喝將安走其八帝曰還歸彼逆將

順奚狡而頑覲收餘燼炎炎不息燎原將熾 龍

旂載揚雷鼓冬震肅肅其威雪戈霜刃其九陽和布

德鷹已為鳩彼眼不化將鷲於秋畢之羅之迨此

春蒐耀我組練鍛我戈矛三駕 乘輿西擣窮陬

其十彼巢覆矣又失其雛彼翼折矣云何不孤天墜

其盈遂降之誅靡遠不服靡惡不鋤疆宇式奠卧

鼓攷弧其十一象輅回鑾敬報 天 祖饗祀升歌亦

韶亦武 王猷允塞仁義干櫓功成謙益為函夏

土億萬斯年受天之祜其十二 經筵講官戶部左侍

郎加一級臣 王士正恭 進

臣聞王制天子五年一巡守以其歲四仲
 之月周行方岳柴而望祀山川覲諸侯問
 百年者就見之命太師陳詩命市納賈命
 典禮考時月定日同律禮樂衣服正之蓋
 自有虞氏逮於成周罔不由茲以觀民風
 而察其好惡夙乎尚已欽惟 皇帝陛下
 踐祚三十有八年宵衣旰食無逸作所曩
 者削平僭亂自隴蜀荆湖訖閩粵滇黔之
 地咸被 聖化比又翦戮邊寇永清朝漢

薄海內外悉主悉臣乃黃淮為患未底安

瀾 皇帝披圖閱奏曰吁豈不在予予其
 敢自暇逸爰徇廷臣之請親臨荒度更以
 吳越為財賦要區自往歲 巡行越今一
 紀民風吏治不可不察迺詠吉日類於
 上帝宜社造禰先期又 諭有司戒一切
 供億與民無擾二月癸卯 駕發京師奉
 皇太后登舟以行於是八神 警蹕交
 龍翼舟 雲罕翠旂陽開陰閉既屆淮上
 皇帝相度形勢 詔河臣指授規畫立

奏平成因 軫念瀕河黎庶不免艱食特
 截留漕糧二十萬石於淮揚諸郡邑減直
 平糶分待復以二郡被災九州縣昨歲丁
 糧部議循例減免特破格 沛恩凡銀米
 三十萬有奇悉蠲貸之浮江而下遂至吳
 越金陵所過童叟遮擁咸得就瞻 雲日
 鼓舞太平 皇帝覃心求莫一一 諏訪
 因盡 蠲江浙康熙三十四年已後逋糧
 暨鳳陽十一縣今年田租遂 發渙號宥
 山東江浙三省繫囚而守土之吏有因公

挂彈議者並與開釋又 目擊商困於各
 驍使關使加增權課悉行停罷 豁免兩
 淮鹽司康熙十六年已後加課四十萬兩
 之半永著為令更念江浙人文淵藪特廣
 郡州縣學博士弟子員各五人以彰鼓勵
 歸經山東免泰安二十七州縣康熙三十
 六年逋糧仍緩征康熙三十七年正賦俾
 共沾 減澤緣塗軍役鎮卒賚賞有加又
 召見耆民年七八九十以上者 賜恩
 慰勞且廩鰥寡卹孤獨而憫其無告是役

也凡所經三省數千里內自文武僚吏以
逮士農商旅其所欲與不便者皆罷行之
五月回 鑿都人忤踴神祇悅康雨暘寒
燠罔不時敘三五之降再見今日臣蒙被
恩澤職司風紀復叨 殊遇日在 顧
問之例是以率先作歌詩以敷陳 駿烈
不可以文辭淺劣為解輒獻南巡頌一篇
凡八百字據事直書備述 聖天子所以
勤民卹商興賢造士者一準古巡守之典
而變通之不徒為游豫之觀而已用以昭

示中外耳目垂之無極其辭曰

於顯我 皇奄撫萬邦既守既創纘緒彌光孕虞
育夏轢武陵湯往者三逆扇亂南服 聖武廓清
鯨鯢就戮邊寇鴟張 六師親鞠三接三捷翦剋
咆哮腦髓沙漠席捲雲收襁負責贄重譯共球既
靖炎氛亦銷朔燧陸讐水慄邇安遠至慎厥成功
春冰惕厲乃 眷民依宵旦維勤奠居率育誰與
安全 天厚 皇帝益試以艱維彼河流患自終
古汜濫漢漭汜無寧所越淮與揚適當其下決排
濬築屢遣往釐出錢太府費而不治羣工貽罔

三百七十二
有遠謀僉曰沈災非 聖莫辦在昔隨刊聿止浩
瀚惟 帝躬臨庶幾已患 帝曰俞哉予其攸視
哀此烝民淪胥鱸鮓爰度爰咨務息癡痕乃 詔
太史占協靈辰廷臣景從天行星辰夙誠供億毋
擾我民睠言吳越東南奧壤俗之淳漓曠弗戒獎
其遂 巡行俾沾浩蕩月維圍如日躔降婁華鐘
鏗鯨峩舸駕虯雨師泛灑風伯颺颺千艘颺馳萬
櫓波駘恭奉 聖母定省無闕瞻眺山川 懿情
用懌淮黃湯湯實惟巨浸手畫口咨孰塞孰浚一
稟 廟謨川祇叶順吁嗟墊溺艱鮮是虞玉粒廿

萬或糶或儲左餐右粥爾氓其蘇龍舩浮江至于
吳會召見父老流觀闐闐今昔殊形力母已憊
清問維殷 帝心用惻 賜復賜租厥數萬億爰
自江南訖於江北肆廣 皇仁遂及商旅徵發期
會汝其重苦不有休息曷稱樂土權齟權關厥惟
重務不能其官商瘠課蠹罷其羸餘平平 皇路
氓之蚩蚩無知懼咎木鳳銜 綸胥脫械扭赭服
膏流圜扉草茂於時浙民瞻望 翠華老穉引領
豈獨我遐 帝曰惠來拊循摩挲正供繁賦悉與
蠲除不苛不濫酌劑盈虛均恩普澤準此三吳

懿此吳越士風彬郁化廣作人菁莪棫樸濟濟英
 賢實寧 王國乃 發泉貨乃醴牛酒大賚甲士
 漑霑黃耆惠鮮鰥寡內之在抱悠悠旌旆言返自
 東沂沿濟泗陟降龜蒙載紆舊賦亦緩新供於維
 聖澤雲滂霧塞上暢八紘勿敷九域男力耕耘
 女修紵織農飽而嬉商忭於塗克頑盪穢爭植廉
 隅黨庠術序羽籥詩書凡此 德音仁滂施厚
 上天降祥休徵輻輳白麟黃龍躡蹠苑囿 皇帝
 聖神混一區夏東西朔南山車澤馬於萬斯年孰
 敢違者 皇帝勤儉周知民隱卹患卹災有富無

窘於萬斯年禾黍充囷 皇帝大孝友恭渝怡奉
 皇太后夙夜惟寅於萬斯年壽與天齊 皇帝
 至明彰善癉惡頑讒革心者賢踴躍於萬斯年庶
 僚明作臣沐 庠澤恭際昌期敢拜稽首獻是歌
 詩在佚思勞不失肅祇兢兢翼翼永保嘉師 經
 筵講官都察院掌院事左都御史臣王士正恭
 進

帶經堂集卷五十五

帶經堂集卷五十六

歙門人程哲校編

新城王士正貽上

蠶尾續詩二 南海集上

甲子冬奉使粵東次蘆溝橋却寄祖道諸子

友人姜西溟門人盛珍示郭臯旭稿凡夫朱悔人吳天章洪昉思湯西厓查夏重聲山張漢瞻惠元龍王子與穀

蘆溝橋上望落日風塵昏萬里自茲始孤懷誰與
論故人感離贈昨夕共清言此去珠江水相思寄
斷猿

北新城夜雪飲鄭山公通政館慰余澹心處

士

秩祀通羣望 天書下海隅 乘流探禹穴 觀日到
扶胥 通政祭告南鎮子之南海 千里嚴冬雪 三更繞樹烏 寒宵共
盃酒 一笑失窮途

雄縣道中雪

即公孫瓚易京

關河暝色冷 征裘往事公 孫戰伐秋 趙北燕南盡
煙水茫茫風雪易京樓

任邱憩李性符東園同澹心賦

虞邱諸水會 水氣射城陰 率爾過幽野 悠然諧隱
心 松間滴殘雪 池上語春禽 罷酒高臺望 天風吹
客襟

河間懷古同澹心山公

獻王招士地 亦在日華宮 一代風流盡 千年雅樂
空 層冰淇水曲 枯柳謁城東 即次聊沽酒 猶聞姹

女工

古樂府河間姹女工數錢

從山公乞滄酒

五時新成禮 百神同時銜 命帝城闈朔 風初過
毛萋里西日 難遮庾亮塵 丹荔黃蕉炎海路 茂林
修竹鏡湖濱 今宵且乞麻姑酒 別後俱為萬里人

滄州古麻姑城

與袁生

我過瀛海道不見安期生
偶借琴高鯉飄搖南海
行相逢四明客遙指赤霞城
牛渚聞高咏能移謝

尚情

琴高
趙人

趙簡子渡河處

雞鳴問津吏冰雪滿交河
日上迴風起如聞河激
歌

德州荅山公通政留別之作

城下河流日暮寒明燈綠酒罄
交歡從知越絕風
煙好敢謂珠厓道路難
嚴瀨千峰雲際出
武夷九
曲鏡中看官園焙後茶
香滅此日思君到建安

恩縣

宋
州

地勢遙連魏博雄百年三鎮習流風
貝州戰壘寒
煙外猶聽行人說潞公

荏平懷古四首

經過射書處猶識魯連村
桑柘靈祠裏空瞻玉貌
存

右魯仲連

玉釵挂臣冠滅燭聞薌澤
此際獨留髡僕亦堪一
石

右淳于髡

火色鳶肩者相逢徧五都不知曾一箇得似馬周
無

右馬周

湖海鬚眉在寧忘社稷讐張公琴酒客能辦殺間

丘

右張鎬

杜詩張公一生湖海客身長九尺鬚眉蒼濠州刺史
間丘曉不救睢陽鎬杖殺之本傳鎬嗜酒善鼓琴曉

即殺王
昌齡者

留侯祠

歲晏穀城頭唯餘碧水流何年紫芝侶共訪赤松
遊暮雪寒山道溪毛過客羞崎嶇倉海意不是為

封留

雪中發東阿望魚山懷古

陳思王墜
杖於此

山郭雪蕭蕭魚山望轉遙洛靈悲子建神女降弦
超即事成今古寒巖閉寂寥唯餘清梵在一遺旅
情消

魚山神女祠

王摩詰有魚
山神女祠歌

雲車入洛幾時還松桂淒涼滿舊山歌罷迎神送
神曲山青無際水潺湲

陳思王墓下作

昔誦君王賦微波感洛神今過埋玉地重憶建安

人名豈齊公幹讒寧殺灌均可憐才八斗終古絕
音塵

自礪礪至棘城雪中即目

礪礪侵曉發歲晏復窮陰出沒峰巒改蒼茫雲雪
深松篁轉山徑煙火隔溪林重戴吟鞭好何如灞
岸心

望小洞庭

當日蘇司業風流此暫經重巖望超忽遠水界空
冥積雪明蠶尾浮雲下洞庭明朝新霽好回首數
峰青

東平思王墓

嶺山

東平幾驛是咸陽松柏依然指故鄉帝子不須還
悵望漢家陵闕久淒涼

東平憲王墓

嶺山

鄉是人亡萬古悲東平宮殿草離離陵前賜劍知
何處金粟飄零剩斷碑

大雪次汶上題路氏北堂壁

百里中都道蒼茫欲暮天湖平蜀山樹雪沒汶陽
田魯酒盈觴醉銀鱗下筍鮮東樓無李白且就北

堂眠

太白有飲汶
上東樓詩

汶上雪夜贈路承甫

汶水西流雲樹微
厥亭繫馬雪霏霏
青檀故物從君乞
未要攪瑜作地衣

次兗郡

翠華初過魯宗國
此遺墟猶忝持旌節
何殊奉乘輿
川原接鳧繹
風物近青徐
獨愧鍾離意
名符發雍瓦書

少陵臺

不見杜陵叟
猶存杜甫臺
如聞石門路
曾共謫仙盃
平野蒼蒼合
浮雲故故來
岱宗青未了
鬢髮六

龍迴

時大駕東巡祀泰山

雪後過嶧山

數仞碧玲瓏
參差望不窮
波浮泗濱磬
雪照嶧陽桐
仙洞浮雲斂
秦碑野燒空
羊車何日去
輦路翠微中

孤台山

鬢弔何年事
傳聞此伐邾
至今歌小子
猶似怨侏儒

古薛城弔孟嘗君

田文千載後
悵惘雍門彈
薛水西流駛
空城日暮

寒臺池久蕪沒邱壟亦凋殘在昔猶遺恨如君豈足歎

昭陽湖

一名微山湖

滿湖風皺碧流離微子山前返照時閑挂笭箬泊沙觜紅霞一抹曬鸕鷀

荆山口待渡

西連豐沛走中原風色蕭蕭野渡昏一望孤城天接水亂山合沓是彭門

徐州渡河

楚漢興亡後雌雄幾戰爭大風過泗上落日照彭城玉斗空遺恨銀刀久厭兵登艫一長嘯冰雪太崢嶸

彭門懷古八首

城上黃樓天四垂捲簾坐盡楚山姿羽衣吹笛人千古樓下猶懸五丈旗

中原豪傑競亡秦楚漢煙銷泗水濱放鶴亭中一杯酒楚山鬻鬻水鱗鱗

樓觀岩峯戲馬臺宋公九日此傳杯詩人猛士如龍虎只愛江東二謝才

僕射軍中似父兄紅蓮書記擅才名重尋汴泗交

流處千步球場草棘生

黃葉西陂七字詩後山詩派石林知南山磬石流

脂滑不刺長洲主簿詞

呂梁千仞古所嗟況復層冰如莫邪陪尾山前魯

祠北紅泥亭子漾金沙

煙銷陂水半篙碧日出曉山千疊青薺麥依然春

雪裏忍寒招鶴上空亭

風雨彭城意黯然東堂松竹沒寒煙潁濱老去東

坡死銅狄摩挲五百年

感懷西樵東亭兩兄曩在廬陵官閣西樵有詩云牢落彭城意經時涕泗零今宵鶴

柴雨猶喜對林聽

渡淮水

古云淮渙水五色多文章我過淮渙上風物何蒼

涼小艇載鹽米孤村稀柘桑唯聞嵇叔夜遺宅鉉

城旁

宿州遇吳舒鳧

昔作薊邱別聞樓陪尾山泉林寫明鏡遙岫列煙

鬢豈意浮雲跡相逢梁楚間苻離今夕酒閉閣不

須還

宿州東門道曰汴堤古隋堤也作隋堤曲

殿脚三千事已非隋堤風物尚依稀玉蛾金蠶飄

零盡誰見楊花日暮飛

苻離弔潁川侯傅公

公宿人

躍馬千山外呼鷹百戰場

古百戰道在宿境

平蕪何莽蒼

俱上

雲氣忽飛揚寂寂通侯里沉沉大澤鄉潁川湯沐

盡空羨影頤王

陳涉亦州人漢高帝為置守冢

臨淮

凜凜歲云晏我行淮楚間清川下桐柏衆壑會荆
山兩岸帆檣闊中流鷗鷺閑惠莊如可即長嘯一
追攀

崔白豪梁人賦詩弔之

徐黃老手去不迴丹青又失濠梁崔清淮粉本還
留在折葦枯荷鳧鴈哀

定遠靖南侯祠

英風動江左廟食儼東城聞道鳩茲郭猶存驃騎
營楚巫陳桂醕行客拜霓旌杜宇悲何事哀啼達
五更

舒城口號寄容齋少宰

龍眠鹿起山多態鵲岸鷗溪水鬪妍不是周郎擅
江左阿誰消得此山川

梅心驛南作二首

梅心驛南作二首

山中何所有遠近楓香樹松青櫟葉黃蒼茫半煙
霧下有寒溪流聞聲不知處林開遞明滅石激忽
奔怒合沓溪山間誰復辨往路颯颯松間風瀏瀏
石上雨遙峰屢單複雲嵐莽參互愛此塵外區徘徊
未能去

前山忽開豁稍稍見田疇茅茨三五家籬落編道
周白水滿陂塘繞舍左右流雞犬散屋角鷺鴨浮
汀洲松葉間索綯牖戶急綢繆餘力祝牛宮歲功
良已週感此懷幽俗役役將何求

將至桐城

溪路行將盡初過北峽關幾行紅葉樹無數夕陽
山鄉信憑黃耳歸心放白鷗龍眠圖畫裏安得一
追攀

雨中過陳默公滌峯

躡屐歷危岑單椒上空曲江雨從東來風吟萬竿
竹城郭浩茫茫衣裳盡寒綠何處是龍眠千峰出
雲族

張敦復宗伯招飲新齋感舊兼寄說巖都憲
憶共蓬山直聞鶯細雨時那知高閣夜對雪更論
詩梅信江城早朱櫻禁苑遲

內直屢被櫻桃之賜

也紅亭子就

好寄故人知

昔同直學士屢言他日還山當構亭取杜詩西蜀櫻桃之句名以也紅都憲預為作記

冰園夜雪即事同敦復我建寄耕壺

山徑梅花發籃輿香霧中名園皆竹色密座即蘭
叢倚檻湍醒酒開簾雪颭風美人一水隔何以慰
飄蓬

望盛唐山

前路臨天柱崇朝過盛唐舳艫蔽千里曾此薄縱
陽急雪迷江介雄風憶武皇詩歌誰載筆不繼大

風章

漢武帝作盛唐縱陽之歌史漢失其詞

潛山道中雪

處處溪山好倪黃畫亦難雪雲數峰白楓柏萬林
丹高下松毛積淒清石溜寒天心愛羈旅巖壑飽
經看

自沙河至唐婆嶺即事

皖公山色望迢迢皖水清冷不上潮青笠紅衫風
雪裏一林楓柏馬蕭蕭

二喬宅

彰法山廣教寺

修眉細細寫春山松竹蕭蕭響珮環霸氣江東久
銷歇空留初地在人間

雪中欲謁三祖山不果

即山谷寺

僧寶昔開此人傳三祖禪本來無住著初地空雲
煙雪暗石牛洞溪流山谷泉羅浮行脚地瓢笠亦
隨緣

三祖付法後即往羅浮時予亦將入粵

太湖道中懷山公通政

楚尾吳頭去天寒急景沈朝雲灑岳影暮雪剡溪
心野店官橋路人家篁竹林相望一千里何處是
山陰

龍山晚渡

雪滿龍山望五湖漁舟沙步晚招呼憑誰喚起王
摩詰重寫寒江雪渡圖

張睢陽廟

宿松棠梨宮

不識松滋路中丞何代祠椒蘭紛玉座風雪捲靈
旗橫笛聲猶苦神絃響易悲同堂真廟食南八是
男兒

除日宿松道中

久客忘時序匆匆逼歲除楓林紅照眼鬢髮白盈
梳灑岳多迴鴈潯江足鯉魚春風來早晚誰寄故
園書

乙丑元旦雪中謁五祖山三首

是日立春

南國不搖落春風況早迴行滕穿白雪大事問黃

梅絕磴盤空上飛梁拂澗開萬松猶引路消息記
重來

浩劫留孤洞今朝禮祖庭因緣逢獼獠囑累憶壇
經梅蕊橫丹壑歸雲點翠屏白蓮池上水長照佛
頭青

寶界琉璃淨名香篤耨熏堂開數峰雪目盡九江
雲優鉢花時現頻伽鳥競聞躊躇下山路楓葉正
紛紛

下五祖山

雪滿空山下翠微娛人十里盡清暉野梅香破半

溪水翠羽一雙相背飛

兩河口

選佛場非遠沿洄屢問津秧雞啼過水松鼠下窺
人山雪將辭臘溪梅已破春短筇緣略約坐愛碧
粼粼

早發黃梅過東禪寺

六祖春
米處

誰識新州獼獠羣傳衣夜半祖庭聞水邊孤寺半
煙篠郭外數峰空雪雲直是西來掃文字翻令南
北競紛紜明朝穩把江頭櫓水到潯陽九派分

濯港

五祖初生入漁網處今有網埠寺
破額山四祖道場在北六十里

三六
網埠寺旁風物幽漁人網集亂汀洲阿誰識取源
頭水破額山前碧玉流

太白湖

潯陽東北白湖濱雪浪縱橫曉問津何處雲中廬
岳影滿堤衰柳送行人

大雪渡潯陽江

江水下江州茫茫九派流雪迷宗炳宅興發庾公
樓六代空殘壘千年此上游可憐形勝地擊楫未
消憂

抵九江

行行皖口又蘄黃纔挂孤帆指豫章為報匡君多
置酒夜來風雪過潯陽

琵琶亭晚望

雪重江天合寒深鳥不飛炊煙何處起知是庾樓
磯

望廬山

看山宜雪後五老况相要絕頂霾雲霧諸峰出沈
寥陰陽殊向背吳楚接風潮急瀑來三峽名僧問
六朝客程兼水石行色借漁樵磨衲堪終老彭城
杜賜貂

入廬山口號四絕句

翠竹青松裏橫峰側嶺間坡公曾有語真箇到廬山

曉出潯陽郭廬山方出雲雲中雙白鹿邀我問匡君

香爐峰近遠望望太高生莫畏石頭滑終期曳杖行

步步廬山近蒼蒼雪路深江天雲霧裏何處是東林

白蓮華峰下至東林寺

江州郭外雪雲濃翠壁丹崖錦繡重行盡清溪三百曲東林纔打午時鐘

東林寺示宗雷禪人

晉賢名理宗莊老祖印西來得未曾攜得佛馱鐵如意重將舉似鴈門僧

三笑堂見徐五東癡題壁感賦

拂塵見遺墨髣髴平生親詎識棲禪地還悲撒瑟辰香爐雲掩靄石澗水清鄰不愧柴桑老平生隱是真

虎溪橋迴望西林寺

未訪西林慧永師
虎谿橋畔去遲遲
歸舟定艤宮
亭水飽看僧房綴
蜜脾

香爐峰

望望雲生處
孤峰倏有無
都梁及蘇合
初蒸博山
爐

石門澗

石瀨千巖響
飛梁萬壑低
欲尋謝公隱
噉噉夜猿
啼

圓通寺示杲菴禪人

匡廬上初日
石耳訪禪林
眉際清寒重
煙中梵唄

深水交松櫟
響門掩竹藤
陰欲問南唐跡
山猿雪
後吟

歐亭

六一何時去
猶傳夜話亭
亭空人不見
殘雪落冬
青

蘇亭

試訪蘇公跡
荒榛鼯鼠啼
東山初日上
惆悵下侯
溪

南唐後主祠二首

在圓通寺

佞佛終何事
秦淮舊恨長
空山遺甃在
猶自說南

唐

唐苑蓬萊紫名同萼綠華可憐山寺裏猶有麝囊

花

後主嘗移廬山麝囊花於含風殿前名蓬萊紫

喚渡亭

西望雲居一抹青元和遷客昔曾經草風莎雨修

江岸千古傳喚渡亭

樂天詩好似當年歸蔡渡草風莎雨渭河邊

南昌懷古三首

我愛梅子真高風邈難匹上書理京兆遑知五侯
嫉一去壽春城終老吳門卒長安劍履多方矜子

雲筆

語云谷子雲筆札婁君卿喉舌

右梅尉宅

桓靈黨錮興漢道成衰叔遐哉徐孺子遯跡思空
谷磨鏡致生芻其人信如玉日夕東湖遊清風激
林竹

右徐亭

三洲夾明鏡一徑通略約當時織履翁於此成棲
託龍卧竟終古誰能知管樂舊圃薦寒蔬斯人如
可作

右蘇圃

登石亭寺鈞天閣

在滕王閣西時滕王閣燬於火

元龜覽賈詩卷二

蘇圃

鈞天閣倚最高層帝子樓空感廢興鶴嶺雲生接
洪井龍沙江遠抱鍾陵落帆夕照晴相亂橫笛危
欄晚故鷹最憶三王詩筆好篋中慙負剡溪藤

寫韻軒

彷彿鸞岡露黛眉繡襦甲帳為誰施祇應三五嬋
娟影曾照仙人寫韻時

豐城見梅花懷敦復學士

把酒龍眠夜雪時梅花幾樹照清池嫩寒春曉江
南驛獨卧船窓看折枝

金花潭

宋元祐子孟太
后祈風處

傳是瑤華跡江潭獨黯然倉皇浮五馬憔悴掩雙
蟬玉輦歸松漠金花沒劍川忘機羨鷗鳥不識靖

康年

孟家蟬見宋小說姜夔
詩遊人總戴孟家蟬

苦竹洲聞鴈

孤舟聞鴈喚春思滿江湖北去經彭蠡南飛異鷓
鴒已驚關塞遠深念雪霜徂故國多煙水音書好
寄無

樟樹鎮王文成公誓師處

豹房虎圈氣如雲行在從容露布聞誰識書生離
講席絕勝三十六將軍

峽江縣

短岫幽篁峽口陰亂帆鴉軋滿江潯長年煙際遙
相問十八灘頭水淺深

早登釣魚臺

江干一片石久占釣臺名窪突紛多態峰巒削不
成巨魚憑浪立急櫓犯灘行却望前岡道松風杜
宇聲

山後即故忠肅李公墓
結句用比干墓銘語

吉水道中望楊誠齋故居

江行盡日愛清暉峽遠江平碧四圍幾處峰青臨
水照一羣魚翠拂船飛雲陰澹澹將成雨嵐氣濛

濛欲濕衣髣髴南溪楊監宅蒼苔白石繞巖扉

吉水絕句

螺川川北字江西沙暖舟暄咫尺迷纔過元宵如

上巳春山處處郭公啼

文江一名字江

賦得廣澤生明月

放舟豫章水月上廬陵城照影疑無定窺人似有
情泠泠青桂濕歷歷白榆生故國當三五清暉亦
自盈

望青原山有懷藥地愚山二公

愚山重建白鷺書院今燬於火

白鷺空洲又劫灰青原山色自崔嵬風流二老今

何在獨問廬陵米價來

肺病

昨日頭風愈今年肺病多何山足芝朮隨處繫牂
牯地僻容高枕鄉遙憶伐柯青林啼暮雨無那鷓
鴒何

泰和道中寄說巖都憲容齋少宰羨門編修
捩舵開頭不計程睡餘真愛贛江清將尋方麴猶
嫌早欲卸吳綿尚有情木客山都人比舍功曹主
簿鳥多名炎荒風物看殊異略附雙魚達上京

泰和夜泊雷雨

明月隨何處忽聞鳴雨懸雷驚殷山起電急劃
江圓宿鷺依連舸神龍出大川戰場蕭瑟極百感
夜茫然

過蕭氏春浮廢園

白下亭西路遙山雨脚低幽篁夾溪水幾箇竹雞
啼

泰和亦有
白下亭

萬安道中

戰地餘流水滔滔贛石東幾年紛鱗鱗今日尚刀
弓沙嶼宵露雨江船午帆去風明朝聞好語清漲
百灘空

坡詩一篙清
漲百灘空

三十一
十八灘三首

繫舟萬安城已聞灘聲惡連峰造天關疾雷殷地
絡篙師理戩楫直與驚湍薄萬山立積鐵其下臨
大壑沈沈蛟龍宮神物信所託排空紛怪石森然
奮搏攫潛虬動鱗甲巨刃揚鐔鏑地根在何處坐
覺坤軸弱悵然念神禹封泥此疏鑿長年聚羣力
撒漩出寥廓三復垂堂言遠遊亦何樂

亂峽吹急雨一折改奔峭連山亘東南瘴霧迷鎖
嶠榜人侵曉發高卧失臨眺輟雷起何處萬夫迭
呼嘯倏忽數灘過到眼一票姚武朔旣崖柴崑崙

絕排暮始蹈呂梁險終成昆吾譟四山方出雲吐
納亦殊妙山木蓊然合冥冥子規叫

半日過五灘灘灘各殊狀怒流一噴薄石角迷背
向激瀑散霜雪倒洒石壁上游渦走風霆喧脰裂
層嶂洶如奔萬馬崩騰不相讓又如閭闔開攬攬
羽林仗傷神旣慘澹快意倏悲壯出坎在須臾布
帆幸無恙探竒邁靈閣豪吟洗惆悵

阜口雨泊

急雨孤篷濕高峰四面同茫茫送灘水颯颯會江
風山鬼幽篁裏楓人苦霧中明朝攬清鏡衰颯任

成翁

梁口

細竹長杉裏舟穿虎豹叢遙思刊木日深念濟川
功嵐重沾衣濕灘高聒耳聾航竒還興盡太息畏
途中

攸鎮雨泊

竟日孤篷雨宵分尚未休瘴雲來嶺表江漲下虔
州暗濕桃花重岸上桃花盛開平添竹箭流更聞春喚鳥名語
催白五更頭

黃金洲見桃花

巖屋纔三合煙扉自一家春風何造次開遍小桃
花

瓶中桃花

水晶枕上一枝新別作嫣紅楚岸春疑是息夫人
未起細腰宮裏見橫陳

贛州謁王文成公祠

新建當年此誓師森然松栢見靈祠軍聲不藉條
侯壁籌策唯應漢相知萬古許孫同廟食一時張
桂太傾危後來論定煩青史峴首猶存墮淚碑
同丁鴈水僉憲登八境臺三首

三五
天末欣相見登臨復此臺飛樓切雲上危堞枕江
開章貢雘又流合雲峰四面來凌風思玉局故國近

蓬萊

坡公八境臺詩有云想見之
果觀海市絳宮明城是蓬萊

尚憶圍城日熊羆此枕戈劫灰孤閣在戰地國殤
多東越縱王郢南荒服尉佗祇今烽火息吾輩許
高歌

直北連章貢西南望鬱孤風流餘蔓草樓閣半寒
蕪簾捲過雲雨欄迴指舳艫乾坤此臺在將別立
斯須

題鴈水覽園

初來覽園裏早愛覽園詩夜雨前山過青苔滿院
滋故人傾卯酒名卉發辛夷物候炎方異春風生

桂枝

園中桂花玉蘭
紅白梅皆花

南康縣

積岨埋煙霧清晨望不分地維何偏側嵐氣日氤
氲山接梅銷嶺天遙庾勝軍幾年收白骨愁絕戰
塲雲

題南安寶界寺

劉元城張無垢兩先生皆
居此寺坡公亦嘗過之

古寺興亡閱幾秋諸賢誰遣到炎州可憐橫浦關
前水猶繞當年鐵漢樓

大庾嶺

五嶺界百粵東嶠實大庾西衡北豫章嵯峨此終
 古黃屋聊自娛僭偽始秦楚魁結慕漢德再世為
 亡鹵六代及五季紛紜不足數昨者滇閩亂此嶺
 煩師旅我來兵銷後叢薄無豺虎絕頂眺南溟波
 濤如可覩白雲左右飛危徑穿一縷回首望中原
 風煙隔橫浦

張文獻公祠

峽寺重雲裏人瞻丞相祠開元如夙昔風度想當
 時羽扇三秋恨淋鈴萬古悲何來雙海燕猶自入

簾帷

紅梅驛

朝登來鴈亭午過紅梅驛梅落鴈先歸腸斷天南
 客

始興江口

西過始興水湏谿增綠波湏水合始興水流始大推篷春日下高
 枕粵山多前路逢瀧吏迴風起蜚歌鼻亭不可問
 亂石鬱嵯峨

韶石

昔聞韶石竒今覩韶石狀竒峰削凡體斗絕各雄

長怪石走中流牙角怒相向峽逼春湍豪撞春力
頗抗雙闕屹東西球門始誰剏其旁有阿閣靈鳳
昔來貺傳聞帝南巡九成奏崖嶂后夔不可作疇
與辨真妄飄搖翠龍駕髣髴鈞陳仗西望蒼梧雲
臨風獨惆悵

舜祠翠華亭

髣髴南巡蹟重華事有無雨痕上斑竹雲氣接蒼
梧儀鳳何年逝帝鵲歲又徂不勝懷古意江色日
荒蕪

將抵曲江

二月一日春態閑桃花欲落鳥綿蠻回頭不識中

原路人在三楓五渡間

三楓亭范雲賦詩處

武溪水

南紀標銅柱滔滔萬里征我窮伏波道重和武溪
行斜日聞吹笛誰爲轅寄生因思少游語回首不
勝情

平圃

張文獻公故居

扣舷聊騁望川上浩煙波往往竒峰出行行松石
多人言故相宅遙指曲江過太息開元後爭傳得

寶歌

公初發曲江溪詩溪流清且深松石復陰臨

彈子磯

神禹刊九山百粵所不詳蠻夷暨流蔡遺跡蓋荒
唐此磯始何代峻極蟠穹蒼下臨萬丈潭蛟螭多
伏藏黑鷹巢其巔下瞰時飛揚石壁不可梯錯雜
五文章鐫鑱復穿漏鬼工肆皴皵想當開鑿時巨
刃摩天揚安得挾仙靈白日凌飛梁

觀音巖

粵山無寸膚斯巖益屢屨其下蟠水府其上排雲
霓洞穴豁天半十丈臨江涯騎危躡虛空險絕緣
鈎梯白日忽晝晦疑逢魍與魑金獸佩腰間火鈴

前後隨蝙蝠如白鴉鍾乳皆倒垂巒屨掩洞門狡
獠神所為暗瀑響陰壑尋丈安可知灑落深潭中
如弩齊發機佛座雲霧生濛濛沾人衣遠江上明
月欄杆拂參旗歸舟意恟怳絕景誰能追

灑江

衆綠被山足舟行當翠微灑江流水遠淮口住人
稀海日臨崖吐蠻禽拍浪飛阮俞如可采長嘯竟
忘歸

峽山飛來寺

方舟宿瀆陽高峽厭蒙密乘風指飛來喜近調御

室蒼蒼菩提樹逶迤寺門出金碧閱蕭梁幻語恐
非實禹陽二帝子何年此栖息言采阮俞竹遙應
黃鐘律如何遂不還空有湖城憶東上綠崎危詰
曲昧蹊術夾磴荔奴陰青葱上初日石鐸留孤雲
飛亭俯江色沈沈晴川綠活活流泉疾敷坐憺忘
歸逍遙問摩詰

二禺祠

軒轅二帝子聞住綠雲間世遠無遺迹夕陽空亂
山攀髯失弓劍采藥異荆蠻猿鳥青冥裏應悲去
不還

歸猿洞

若為越女化猿公霧鬢風鬟向此中留得訶陵藥
子在月明長憶上陽宮

半山亭

雲碓水自春松門風爲關坡公題峽山寺句夙愛老坡語幾載
思禺山何意萬里遊兩脚隨孱顏苔碣不可見定
水猶潺湲宴坐半山亭下見凝碧灣榕根如獐龍
怒攫青厓間日午竹雞啼濃綠排煙鬢我行窮祝
融何時復來還

抵清遠

萬里南帆渡二禺峽平川濶見青蕪不堪斜日蠻
雲裏啼猩猩又鷓鴣

帶經堂集卷五十六

